

竹齋集詩

卷下

五
卷
下

諸
隆
圖
書
館
—
ZHUJI LIBRARY

諸暨圖書館
— ZHUJI LIBRARY —

竹齋集詩

卷一

諸暨圖書館藏
ZHUJI LIBRARY

諸暨圖書館

ZHUJI LIBRARY

諸暨圖書館

ZHUJI LIBRARY

諸暨圖書館
— ZHUJI LIBRARY —

01056



竹齋詩集卷之三

諸暨王冕元章著

五言律詩

次申屠子迪韻

荒城餘古堞登眺喜新晴日澹山容靜秋高海氣清孤
 鳶隨鶴下饑兕近人行感物添惆悵誰能會此情
 東南岩壑窅遊子欲何之野鳥驚飛疾溪船逆上遲放
 懷須醉酒對景謾題詩王謝經行處蕭條似舊時
 海國秋風勁江城暮雨昏浮雲低月峽戍鼓殷雷門芳
 草何年歇青山亘古存光陰如過客吾道底須論

白髮干戈際，青山黯靄中。沙蟲聯五馬，跣卯襲三公。東
海波濤黑，中原草樹紅。蕭條岩谷底，誰信有春風。

荅王聘君

門逕蕭條甚，相知得往來。人方戀升斗，我獨撫尊罍。故
國秋風慘，荒城暮雨開。閒中多樂意，不在最深杯。
平生無飲量，難與醉鄉期。老委青雲志，空聽白紵辭。寒
煙昏塞口，殘月淡蛾眉。此際天涯客，淒涼祇自知。

愁重

慷慨添餘思，交遊憶可人。時危還有慮，愁重不知春。海
國迷歸棹，關山擁戰塵。黃公何所見，終不事嬴秦。

次韻荅樊山

余生百計拙。世事復何言。得句閒題石。忘機或灌園。每
憐魚涸轍。多見鶴乘軒。薄暮山風急。秋聲處處緜。
功名多跋涉。貧賤得安閒。坐石聽流水。開樓見遠山。報
衙蜂瀕洞。悅景鳥綿蠻。更愛斜陽外。遊雲作陣還。
山川今古在。伯業已寥寥。野霧迷花逕。秋煙隔市橋。溪
深新漲雨。江濁暗生潮。自喜茲行好。翩翩遠市囂。
市廛餘熱惱。岩壑足清涼。水靜魚兒樂。風微桂子香。異
邦人苦雨。故國雁啼霜。秋晚何多事。吟詩送客忙。

次韻荅王敬助

小隱水南村。喧嘩不到門。無言及名利。適意在田園。春
雨桑麻長。秋風果蓏繁。生涯有如此。何用覓桃源。
西圃餘薑蔗。東臯足稻粱。今年誠有望。吾計未全荒。倚
杖停吟久。看雲引興長。隣家新釀熟。同醉菊花傍。
慷慨登高罷。風流入醉餘。山田禾熟早。海國雁來初。對
客無多論。耽眠或廢書。東南岩壑美。時復命巾車。
野雲依竹靜。霜葉近窻明。對此清幽境。都忘喧襍聲。看
書庸有感。與世竟忘情。但願添松竹。期君結隱盟。
豐年真可樂。那慮鬢邊霜。新稻翻匙白。香齏出甕黃。相
逢宜脫畧。不必問炎涼。多少清遊夢。無能到帝鄉。

鄉隣同社酒亦足叙幽情著作輕莊子悲哀笑賈生荒
林孤鳥沒遠浦夕陽明休問東陵後栽瓜卽邵平

憶王子正

雨重楊花落春深杜宇悲交情惟有我朋友更言誰雲
冷東山屐塵埋北海碑夜來茅屋下酸淚爲君垂

有感

三春多是雨四月不聞雷盡道龍宮闕誰掀蟄戶開郊
原豐草木城郭滿蒿萊我老爲時慮無言思欲哀

中秋次韻荅恢太虛

江湖漂泊久髮白不知年世遠人何在天空月自圓山

河清有影草木淨無煙誰恤蒼生苦移憂到酒邊

九日有懷

拊髀憐佳節多年不在家有親垂白髮無意對黃花懷
古餘情曠登高望眼賒南山荒靄合日暮亂歸鴉

吉祥草

得名良不惡蕭灑在山房生意無休息存心固久長風
霜空自老蜂蝶爲誰忙歲晚何人問山空暮雨荒

解悶四首

家園嗟寂寞客計轉踈迂事失非關酒身貧不爲儒功
名餘破楮風雨漫長途對景成何用高談却壯圖

荒城驚歲晚。風雪奈何人。野鶴殊無侶。江梅自得春。停
杯吟思遠。照鏡鬢華新。底事堪愁絕。悲笳撼塞塵。
風雨交殘夜。郊關鷄亂鳴。青山頻入夢。白髮不禁情。舞
劍令人笑。沽尊祇自傾。忽思年少日。騎馬漢江城。
寒氣薄衣絮。斜風雪亂飄。山林俄失色。江海不行潮。塞
北羶車重。江南甲騎驕。草堂亦幽致。冰凍滿詩瓢。

歸來

歸來入境異。故里是他鄉。坐閱紅塵遍。愁多白髮長。關
山雲渺渺。江漢水茫茫。世事何多感。馮高又夕陽。
某水某邱在。杖藜隨處行。窮幽聊適興。豈是未忘情。契

竹齋詩集卷三
四
彼漁樵樂於吾勢利輕雲根老梅樹花發最分明
小齋塵不到寂寞野人家下榻來風韻看書度歲華已
忘巫峽月空憶武陵花欲問并州信故人天一涯

送雲屋僧

蘭若邊江次羈棲喜得隣論文畱客夜對酒燭花春風
雨相過近交情且是真無端話離別把酒忽傷神

村居四首

辟世忘時勢茅廬傍小溪灌畦晴抱甕接樹濕封泥乳
鹿依花臥幽禽過竹啼新詩隨處得不用別求題
茅屋人看小我居殊覺寬雲開山滿座雨過草平闌古

意琴三疊清風竹萬竿養生無別具壁上破瓢簞
欲識吾居處屋前溪流門交青薜荔籬蔓黑牽牛有
竹編書簡無花引釣舟生涯隨分已何用卜菟裘
英雄在何處氣槩屬山家蟻布出入陣蜂排早晚衙野
花團部伍溪樹擁旗牙抱膝長吟罷天邊日又斜

八蟠嶺

路繞危垣上風高松檜鳴花飛殊失意草長不知名遊
客諮遺俗居民指舊京浮圖起天末瞻望忽傷情

村居

斷橋分野色曲逕入柴門五柳低藏屋三家自作村人

情同下里風俗異東屯我老無生計耕耘教子孫
綠槿成籬落茅簷挂薜蘿馬車渾不到樵牧自相過
看歸田錄行聽擊壤歌優遊只如此刀鋸奈吾何
人言村落僻我處頗清幽竹色侵衣冷江聲繞屋流
歡呼同社酒出入趁漁舟不用聞時事桑陰且飯牛
局厭屢中隱寬從野外居人情方密熟禮數覺生疎
懸榼空浮蟻陳編撲蠹魚客來縱談笑不必問吾廬

宋郊臺

蕩蕩南郊路金輿不復行古臺餘草色新樹自風聲
寂寞荒村景淒涼故國情遺民能道舊曾是御營兵

感慨

大道已淪謝。世情那可論。所經新傳舍。多是故侯門。路
險豺狼恣。山空鳥雀喧。餘生亦何幸。注目合忘言。
東南多勝概。古迹杳難尋。諸老題詩處。鱗陰蔽石林。雲
團溪雨重。水落野塘深。感慨添餘思。孤猿入暮吟。
故國江南郡。鱗華舊不同。衣冠移習氣。鼓角動悲風。柳
倚湖光碧。花連野色紅。放懷沽一醉。世事委狙翁。
昨訪三生石。今登二老亭。痴煙含樹黑。野草滿山青。歸
鳥還知倦。悲笳不忍聽。又聞龍臆馬。趁逐豹文廳。

黃牛山

招提萬山底。古屋蔽煙霞。密竹先秋意。長藤過夏花。繁
陰沈雨脚。清響漱雲牙。老衲眉如雪。相逢話作家。

福勝山房

不作殊方去。每因茲地畱。湖山全勝概。松竹祕清幽。下
榻同聽雨。開尊爲解愁。得君通道義。從此可無求。

次古詩韻五首

飛雲添遠思。淫雨滯行期。漸入老來境。都非少壯時。林
昏歸鳥疾。溪急上船遲。眼底元元弊。何人念在茲。
蕭灑衡茅下。歲寒同此君。幸遺山水窟。得離犬羊羣。有
酒懷元亮。無才擬子雲。寓形隨分已。何用強求聞。

潮映江城白。山圍故國青。感時花慘慘。餘恨壙亭亭。只
合從龐隱。何須學楚醜。歸來詩景勝。蒼翠滿岩屏。
蔽體可結葉。充腸難飯沙。風塵無日定。朋友各天涯。既
有杯中物。那愁鬢上華。古今歸一笑。放曠是無家。
屠沽慚壯士。文繡貴山郎。氣習蟲魚族。風流雁鷺行。從
時多俯仰。弔古獨悲傷。無奈連宵雨。蝸牛上石牀。

重過戴氏居

重過戴氏宅。交遊情味長。乃翁敦德義。諸子好文章。濟
濟衣冠偉。班班事業張。看他流俗下。不肯論炎涼。
矮籬編綠槿。小徑入青桑。屋繞河流潤。門開竹色涼。課

兒書滿架。畱客酒盈觴。西沼芙蓉美。南薰穠穠香。
琴書滿屋壁。不下晉家聲。湖海懷高義。交遊閱古情。
種瓜延暮景。看竹喜新晴。更約清高友。山林結隱盟。

雨後

雨後千山淨。炊煙處處新。世情殊不足。風俗豈能淳。
老棘餘生意。槁花空悟春。相逢非古道。怪我著烏巾。

槿花

不與百花期。多從桂子時。低昂如有序。紅白自相宜。
農爲編籬識。蜂因課蜜知。想渠根本盛。未畏雪霜欺。

客邊

微雨久不歇。浸成閒客天。銜杯聊復爾。彈鋏已蕭然。落
葉饒秋恨。鳴蛩減夜眠。故園歸未得。日日數行船。
澤國秋雲重。淮山夜雨深。感時多得句。懷古獨霑襟。照
鏡憐新髮。持螯息壯心。知音無處問。冷落七絃琴。
飄蕩將何倚。淒涼不自禁。江湖千里夢。風雨五更心。遊
子黃金印。幽人綠綺琴。渠方汨朝市。吾合老山林。

不學

不學養生術。且爲歸隱謀。青山猶昨日。白髮好禁秋。適
興須村釀。忘機學海鷗。夜來何所事。欲上仲宣樓。
世事朝朝異。炎涼處處同。江山千古在。風月幾時窮。采

菊思陶令登樓憶庾公客情消不得又聽北征鴻

次韻荅申屠子迪府推

今日風光好梅花滿屋春年年長在客事事不如人道
路貂裘敝庭闈鶴髮新曉來看雨露小草亦精神

見雪

窮居忘節序見雪却憂寒漸漸山河失依依道路難故
人迷信息無客度桑乾况爾西南地疲民夜不安

客况

爲客少安睡終宵聽雨聲每因年歲晚不稱路途情貧
賤交遊少踈豪去就輕蕭蕭鬚髮改殊覺負平生

對酒

含笑看長劔，開懷對酒尊。
江風生席面，山雨濕雲根。
去國愁征戍，豐年荷聖恩。
莫辭情爛漫，白首壯心存。

送客

驪駒歌載道，肯爲簿書留。
顧我衰遲質，不禁離別愁。
江花緣客興，春水便歸舟。
茲去青雲遠，音書可寄不。

寄友

寄語蓬萊客，山寒松未花。
祇因好春雨，不得到君家。
白石通宵煮，青萍忘歲華。
近來龔兩耳，那得聽胡笳。

夜坐

不齊言集卷三
夜深山館冷風雨滿江城老客不成寐感懷無限情蠻
煙迷五嶺王氣屬三京休問泥塗事荆榛處處生

會友

蠟屐衝寒雨柴門啟曉雲相忘不問訊良久却論文煮
茗水泉活移花野色分城中甚喧襍此地寂無聞

送大機上白雲

水月池頭屋會同聽雨來故緣經歲別又過幾花開且
爾酬詩債深慚乏茗杯明朝出西郭離思不堪裁
東郡雨不歇西湖水亦高上人今日去行李不辭勞傳
法燈無盡懸崖屋更牢交遊如問訊謂我只囂囂

掩關

竟日掩柴門，
條然無俗塵。
幽花殊得意，
老樹不知春。
風月臨清夜，
江湖憶故人。
西房老禪伯，
蕭灑亦吾貧。

寄存道崔隱君

有懷中默默，
舒嘯獨登樓。
月色不知夜，
江聲欲動秋。
寄書空惹恨，
看劍若爲羞。
何日乘清興，
山陰棹雪舟。

旅次

露下竹風清，
孤樓恰二更。
天垂滄海極，
月轉大江橫。
道味窮時熟，
詩情旅次生。
飄流何所擬，
泰華一毛輕。

對景

景勝詩懷曠。愁圍酒力降。地雷晴破石。山雨夜翻江。夢
遠蓬萊館。香餘薜荔窻。諒無封建績。白首困南邦。

漫興

流沙連竺國。大磧間和寧。雲合陰山黑。天垂瀚海青。穹
廬駢驟闖。軋蓋建鈴釘。多小花門子。相逢喚不丁。

屯聚皆羌屬。謳歌比獸啼。草深車迹淺。霜重角聲低。軍
馬行無數。山林望欲迷。老兵通漢語。指點語征西。

天時今亦異。地醜古來非。馬乳供官酒。羊皮當禮衣。一
時風色變。萬里雪花飛。小大持弓矢。相呼出打圍。
壯心殊未已。望望盡黃沙。韋冒籠鴉鶻。氈囊載駱駝。過

關南客少出塞北風多田牧俱荒廢空懷馬伏波

過水南

一到水南宅喧囂便不聞
窻梅晴破雪庭樹暖凌雲
閒話經年別忘眠過夜分
何時卜隣住會老細論文

春晚客懷

春事已過半客懷何悵然
鳥啼雲外樹花落雨餘田
浩酒不成醉解衣徒自憐
五湖煙水遠未得問歸船
落落窮途客年年不在家
寄眠聽夜雨借景看春華
空著三山帽難防兩鬢華
清晨覽明鏡載笑復咨嗟
衣袖露兩肘難留俠客椎
對山長發嘯得酒忽忘詩
樹

濕吳雲重花殘越鳥悲酸辛甘自愛襤褸愧妻兒
花落春城暮登臨思倍清買杯酬宿約聯句足餘情
三峽星河動九江風浪生吾儕似無用思與白鷗盟
雨暴溪流急雲低樹勢平山邊狐獨嘯林外鳥皆驚
小草添生意殘花減俗情明朝整巾烏飽飯竹間行
詩酒從時適功名委壯圖好山隨處有開客近來無
冠蓋駢三輔烽塵暗四隅餘生營計拙且儻好樓居
賈誼治安策虛勞瀆聖明人民正凋瘵豺虎恣縱橫
白水沈南國青山沒上京吾儒無可奈老淚向天傾

寫懷

世情多曲折。客况自堪憐。聽雨愁如海。懷人夜似年。草
肥燕地馬。花老蜀山鵑。冷淡無歸計。蒼苔滿石田。

竹冠

竹冠橫五摺。安用鐵絲旒。斑積湘江雨。清含嶰谷秋。自
然堅節在。難與俗情侔。相見無疑怪。先生不姓劉。

客情

幾日不啟戶。庭前青草多。故緣詩思澀。不奈客情何。貧
賤家無定。英雄劔懶磨。江山千萬里。回首一長歌。

歸家

我母本強健。今年說眼昏。願憐爲客子。尤喜讀書孫。事

平齋詩集卷三
業新燈火。桑麻舊里村。太平風俗美。不用閉柴門。

示師文

生涯猶未定。歸去勿來遲。故里雖云好。吾家正及飢。敬
尊須重禮。對母說新詩。梅竹平安否。先書報我知。
悵望倚門久。月光清滿天。念家情切切。爲客鬢娟娟。細
草荒山逕。遊雲過石田。安能攜爾輩。飽飯老林泉。

執爨

執爨迺吾事。非因媚竈來。調和誠有道。燔爇少遺材。對
燎殊無愧。不黔良可哀。過從勿相笑。破甑久塵埃。

獨宿

獨宿輸吾慣石牀苔鮮豐氣清神自固夢不與人同燈
燄懸空壁爐香裊細風如何紈綺輩服藥取奇功

種茄

種植便生地還宜去草萊所期羞膳具毋吝日滋培雨
露恩時及風霜氣莫摧且令根本固看爾日恢恢

訪舊遊

今日放輕舟令人憶舊遊看花穿水竹沽酒近江樓故
老論遺俗相知已白頭晚來鄉思切孤雁楚天秋

偶書

浮雲生遠樹落日動江波坐對青山好其如白髮何寄

詩憑問訊。沽酒借顏酡。忽憶年時節。吳松聽棹歌。
聞雞何用舞。對酒且高歌。湖海情如故。風霜老奈何。相
交知己少。入夢好山多。玩世能成癖。紛紛事已訛。

獨坐

獨坐高樓暮。淒涼何所聞。亂山流凍雨。荒樹隔孤雲。關
陝鴉成陣。幽并馬不羣。故人消息斷。凋敝閱斯文。

歸來

湖海飄零久。歸來依舊貧。顧無青眼友。喜有白頭親。籬
菊畱餘色。庭梅奏早春。溪翁蚤相訪。杯酒接殷勤。

石湖寺

畧約江湖外。招提水氣中。故人於此隱。幽致得時同。
釀酒來彭澤。栽蓮接遠公。浮生底須論。談笑且春風。
相憶懸清夢。相過笑白頭。不因吾道重。安得爲茲畱。
翠竹邊江雨。黃花小院秋。明年春水足。準擬泛扁舟。

泊瓜洲

晚泊瓜洲渡。秋風九月時。野煙晴漠漠。江樹綠離離。
客思無人會。鄉情有雁知。斐才慚李杜。對景亦題詩。
落落大江秋。淒涼覺底愁。逆潮攻敗壘。荒樹入沙洲。
險固空遺迹。清平且壯遊。不須腰十萬。明日上揚州。

泗上

弔古心何壯，憑高氣更雄。
大風秋野闊，明月故鄉同。
蕭洒鯨霜鬢，淒涼獨老翁。
夜深沽斗酒，不異在新豐。

沽亭道中

野亭依柳樹，水路出桑林。
問俗誰能解，懷思自不禁。
遠山歸眼小，孤雁入雲深。
可笑西京客，持杯學楚吟。

方離三柳樹，又出下沽亭。
客路從茲去，人情轉不寧。
關河孤雁沒，齊魯衆山青。
處處黃河道，吾將補水經。

南陽閘下

十月黃河道，舟行濁水泥。
今晨見清淺，不覺散淒迷。
雲轉山腰斷，天連野水低。
可知茅屋近，忽聽一聲鷄。

師家庄瞻繹亭正對繹山魯地諸峯皆見閘水正

合洙泗

綠水流洙泗青山出魯鄒憑高殊有興弔古不勝愁
日落江花動風生野樹秋掀髯一長笑不負壯年遊

閘上

舒嘯孤懷壯天風蕩杳冥草枯秦地白雲盡魯山青問
道尊莊子銜杯候野亭平生辛苦事須信此行經
白霧都收盡青天無片雲候船車袞袞辭樹葉紛紛紗
帽當壚婦兜鍪出塞軍不愁書寄少鴻雁動成羣

守閘

行船無十日守閘滯多時縱使心如鐵難忘鬢若絲野
亭花淡淡沙岸草離離日暮聞征雁令人有所思

汶上舟行

賢聖久不作我行真可憐望歸黃柳外坐到碧山前老
馬知官道飢鷹集野田晚風吹急雪回首一茫然

新店道上

野水滔天去陰雲著地生油來新店酒不洗異鄉情白
髮蕭蕭謝黃花粲粲明山川雖跋涉道路却昇平

不飲

不飲非無量忘眠豈有謀赤心思報國白首願封侯界

紙題封事挑燈看蒯緱何時勲業就蕭散五湖遊

船上

迢遞三河路淒涼九月天遠山迷草木平野少人煙對
景情如醉浮居日似年壯懷消不得沽酒且陶然

汶上

汶水連洙泗源源有所歸聖賢誠可仰風俗自相違落
葉隨風舞孤鴻破雪飛紛紛名利客到此肯忘機
破夢聞金鼓關心望玉繩只知時候別不覺夜寒增凍
雨成飛雪長河走大陵客情無可奈却借驛樓登

暝色

个言身卷三
三
暝色沈孤嶼。秋聲入遠林。飛鴻頻顧影。獨客易傷心。相
識無知已。交遊少信音。未能酬壯志。沽酒且長吟。

客思

破衣懸軟毳。短髮被秋風。汶水長魚白。滕州小米紅。人
情今日異。客路去年同。萬里關山外。孤鴻縹緲中。

齷齪

齷齪寧堪處。卑汙奈此逢。看人騎白馬。喚狗作烏龍。濯
濯河邊柳。青青澗底松。待看天氣好。應得露華濃。

蕭灑

漸覺離鄉遠。寧知出處迂。風流看隊馬。蕭灑入雙魚。誰

解辭千乘無人說二疏老吾情不愜謾讀古人書

次致和韻

方見雲山出忽然風雨來暴生三尺水推去一階苔古
意何能解新詩止自裁天時與人事歷歷不須猜

日晚

日晚風雲起城空草木悲蛟龍能自聖騏驥不容遲漢
婦通番語胡兒厭杜詩老夫蕭灑處定是少人知

慶壽寺

亡金在城北野中今在城內
劉太保爲僧于此墳在盧溝

寶刹都城內今朝曠野中浮圖瞻寶誌書記憶劉聰書
屋煙花繞青松雨露濃徘徊增感慨歷落問英雄

書記去已久，令人動慨慷。但能成事業，不解制綱常。花
落重城晚，雲沈大野荒。盧溝三尺土，春雨樹蒼蒼。

渭河道中四首

平地連滄海，孤城帶渭河。行人俱漢語，舟子半吳歌。野
草驚秋短，鮪魚出水多。只憐風俗異，處處有胡笳。

披霧青天近，梳頭白髮明。山河千古恨，風雨五更情。塞
北浮雲慘，關中王氣清。草廬諸葛在，未得話平生。

月出東溟白，天垂北斗低。礪兵思秣馬，舞劍忽聞雞。諸
葛猶存漢，田橫不辱齊。英雄如有見，瑣屑豈能迷。

海氣團雲白，江風吹浪寒。飛鴻離塞遠，獨鶴唳更闌。慷

慨論時事風流想漢官
蕭蕭黃葉下回首望長安

泊聊城

卽東昌府

水宿聊城外忘眠聽漏聲
浮煙連野白孤月近船明
世變山河在時移草木驚
絕憐知己少感慨獨傷情

南歸

去歲離南去今年自北歸
過淮渾酒賤出水白魚肥
磊落同誰語孤高與世違
最憐譙國子潦倒說兵機

庚寅春二月三日甲子大雨雪

二月甲子雪霏花冷作圍
乾坤移氣象草木轉光輝
野鳥渾無語胡蝶濕不飛
長安未歸客應是動心機

有感二首

絕國春風少。荒村夜雨多。可憐新草木。不識舊山河。世
事紛紛異。人情轉轉訛。老懷禁不得。悵望一長歌。
對鏡添惆悵。憑誰論古今。山河頻入夢。風雨獨關心。每
念蒼生苦。能憐蕩子吟。晚來愁更切。青草落花深。

雨過

雨過山光潤。煙浮野色昏。清泉流近砌。黃葉擁衡門。世
事憑誰論。高情祇自存。忽思澆花老。又欲向東屯。
歸來訪田里。轉首憶關河。黃葉階前滿。白雲山上多。人
情空爛漫。世事儘差調。親愛兒孫輩。愁予兩鬢皤。

閏七月廿三夜記夢二詩

歷歷青山出，翩翩白雁來。
感時徒憤鬱，弔古獨悲哀。
夜雨淒庭草，秋花老石臺。
客懷消不得，悵望一徘徊。
對鏡多新白，懷人入遠思。
山河猶漢魏，風俗混羌夷。
小草銅駝恨，荒陵玉雁悲。
平生伊呂志，耕釣豈無爲。

舟中雜記

水竹連平野，人家帶夕陽。
道塗忘險阻，風景異尋常。
借艇移行李，持杯看步光。
英雄無所以，堪笑老夫狂。
舟行知牽穩，恰得打頭風。
更喜青山出，寧辭白髮窮。
江楓緣岸赤，汀蓼雜煙紅。
回首東南境，樓臺香靄中。

楊柳青雲合芙蓉錦幃開船從湖上過人在畫中來莫
問桓伊笛且傳袁紹杯明朝過橋李舒嘯謾徘徊
泊舟枯柳下江狹喜無風水氣團煙暝嵐光帶雨濃竹
陰秋轉冷漁火夜深紅憶在山陽縣吟情與此同
蘆花藏別浦柳樹隔柴扉野鳥行行下漁舟兩兩歸只
愁風俗變不慮世情違舊日經行處于今轉覺非
秋成嘉禾北官河帶野橋水光欺日薄寒氣得風饒覓
火隣船並沽醪市店遙傳問征稅急不忍見漁樵
九月今朝是淒淒多朔風黃桑渾未落烏相最先紅對
景情何日懷人夢不道稻梁今歲薄無奈北征鴻

落日照船窻殘霞映碧江樹低蒼翠濕人襍語言唯賞
酒青衣獨歸山白鳥雙驅馳吾未已慚愧鹿門龐
野水連天碧秋花夾路黃順風船過疾落日鳥飛忙感
物徒惆悵逢時喜老蒼文章隨氣運不必論班揚
老樹轉斜暉人家水竹圍露深花氣冷霜降蟹膏肥沽
酒心何壯看山思欲飛操舟尚吳女雙槳唱歌歸

元日示師文

骨格今年異衣裳舊日殊讀書當努力寫字莫糊塗白
水翻三峽青山出兩都老吾何所以賴爾得相須

遣興

破屋懸寒雨空窻度晚雲家貧無外慮身老厭多聞
草木隨時長蟲魚自作群行吟聊遣興不必論功勳
直北黃河走江南白浪浮人民正饑渴官府急誅求
處處備兵器城城建火樓老吾頭已白忍死爲君憂
老來百病出坐臥不能安稍得春風暖尋憂夜雨寒
中原人倥傯南國步艱難薇省分權重匡時自選官
旌旗明紫塞雲霧暗潼關盡說王師盛應知伯道艱
東風吹白草落日動青山羽檄飛邊報將軍信雅閒

水竹

水竹能蕭灑天然二尺強低枝均雨露直節慣風霜不

擬編書簡何時宿鳳凰幽人頗相得拂拭近茅堂

屋隅櫻桃伐去老幹而生新枝能實可愛

櫻桃元舊本根柢近西籬只爲除枯幹翻令長嫩枝紅
嬌殊鶴頂甘美過蜂脾羞荐歸宗廟于今正及時

山藥

山藥依闌出紛披愛夏涼葉連黃獨瘦蔓引綠蘿長結
實終堪食開花近得香烹魚入盤饌不餽大官羊

謾興

詔布河流復其功說賈生豈因疏鑿費恰重戰爭名軍
士雖然散農人尚未畊九州多禹迹何日與君評

燕趙官輪急。江淮羽檄忙。山崩雲慘慘。河決水茫茫。野
客愁無奈。山翁老更狂。塗傳軍士盛。卽日下襄陽。
草木何搖撼。工商已破家。饒州沉白器。勾漏伏丹砂。吳
下難移粟。江西不運茶。朝廷政寬大。應笑井中蛙。
四川聽雨化。三輔愛風清。但得公行道。何勞苦用兵。關
山無阻礙。淮甸漸清平。聞說招民義。銜哀事遠征。
一說妖氛起。生民欲斷魂。村墟空壁落。市井變營屯。盡
道無生計。誰爲奉至尊。吾居更蕭索。事業不須論。
壬辰天意別。春夏雨冥冥。雲氣何時斂。江聲未得停。書
生憐白髮。壯士喜青萍。昨夜登西閣。悲筮不忍聽。

處處言離亂紛紛覓隱居山林增氣象城郭轉空虛俠
客思騎虎溪翁只釣魚諸生已星散那得論詩書
辟難人爭出居家我獨痴况兼親已老無奈病相欺湖
海迷舟楫關山振鼓鼙忘機閒看竹得興漫題詩
密樹連雲濕荒村入逕斜山童分紫筍野老賣黃瓜忽
要千鈞弩尋求百姓家子生爲計拙見景重咨嗟
撤幕愁歸燕頰垣警睡龙雨聲飛玉署花夢破琉璃窻紫
詔傳三省黃巾出兩江何時舞干羽盡使有苗降
登高聊縱目懷古忽傷心北極星辰遠中原草木深天
寒羣雁叫夜靜獨猿吟處處知音少塵埃綠綺琴

千戈猶未定，鼙鼓豈堪聞。憂國心如醉，還家夢似雲。
關山千里遠，吳楚一江分。朋舊俱零落，空嗟白鳥羣。
濕雲垂地重，孤雁入天鳴。到處干戈競，何時海岱清。
孤燈懸古壁，寒漏落空城。可羨商山老，優遊待太平。
深秋天氣好，且喜病魔消。對客論三史，令人愧六朝。
山河空板蕩，民物竟蕭條。白首思無策，甘心學野樵。
秋風清瘴癘，明月照山河。絕國干戈少，空城鼓角多。
脫巾憐髮短，醉酒覺身和。謾對黃花坐，毋勞白苧歌。
自笑青雲遠，誰憐白髮孤。艱難知道路，蕭灑問江湖。
事業留詩卷，田園入畫圖。清高過老杜，囊底一錢無。

重陽今日是風雨滿空城白髮殊無賴黃花似有情山
寒孤樹老江淨衆鷗明且願烽塵息謳歌樂太平
雨阻龍山會雲荒戲馬臺且看黃菊放休待白衣來事
業書千卷功名水一杯登臨聊復爾吟嘯謾徘徊
吟詩懷杜甫持酒看吳鉤落葉千林曉飛鴻萬里秋只
嫌風俗變不爲別離愁向晚聞征鼓徘徊倚小樓

懷鄉

關西吾故里八代不能歸墳墓何在門閭故已非清
秋愁燕去殘日望雲飛豈是桃源客虛無與世違

卽事

雲黯山如醉，風來樹若顛。
懷人多有夢，憂國少安眠。
江海浮鷗鳥，山林叫杜鵑。
老生頭已白，見景忽淒然。

卽事

草徑無人到，柴門盡日關。
腕巾垂白髮，把酒對青山。
世薄驚時異，身貧得夢閒。
夜深明月下，吟待鶴飛還。

晚眺

密樹連江暗，殘陽隔浦明。
不知秦塞遠，殊覺楚天平。
故國人在荒城鳥，亂鳴裴回吟未已。
搔首忽傷情。
雲騰山欲動，雨過樹如新。
細路多行虎，荒村不見人。
遊絲懸落日，小草亂青春。
何處論知己，過從白鳥親。

秋吟

夜雨滋蔬圃。秋風過草堂。
長歌追李杜。高論入羲皇。
戲水知魚樂。尋羶看蟻忙。
兒童建勳業。燈火得新涼。
菜葉綠滿地。菊枝青過欄。
有爲遵古道。無論及時官。
樹影經秋減。湖光入座寬。
門前舊磯石。閒却釣魚竿。

幽居次韻

城市居何僻。山林境頗同。
竹窻風細細。花樹日融融。
疊石畱雲臥。開渠許溜通。
兒童雖解事。不識五花驄。

甲午年正月初四日得春

昨宵嫌凍雨。今日喜春風。
野草浮新綠。園花結小紅。
漸

竹齋詩集卷三
三
將農事動無奈病魔攻向晚登高望江山杳靄中

春寒

春寒多雨水地僻少輪蹄濕氣連山暗孤梅近竹低林
空飢鳥集城冷野狐啼回首關河道風塵處處迷

山陰水村

有水無行路人家箇箇幽青山開障遠碧樹入村稠縱
是比隣屋相遇亦用舟我來蕭灑甚處處見沙鷗
草閣憑江置江深入夏寒看山詩思遠對客酒杯寬風
景雖然別行藏儘自安浮萍軒子好來往任盤桓

雪晴

起來敲石火。正是雪晴時。竹葉冰垂地。梅花玉滿枝。風
雲隨變滅。山水轉清奇。悵望長安道。令人有所思。

紙衾

楮衾能潔白。孤臥得平安。作夢心如水。纏身雪作團。吳
綾爛花草。蜀錦動螭鸞。未必清如此。那堪慰考槃。

丙申元旦守母制因感而作

今日椒花頌。無能獻老親。自憐垂白髮。不敢著烏巾。牢
落田園興。微茫海國春。話言兒女輩。清苦莫辭貧。

寄申屠僉事

時避寇來越

蕭灑樊山老。年來亦可憐。墨莊沉寇壘。琴屋燼烽煙。詩

何陋言身卷三
三
好人能誦官清子得傳閒身隨所寓不必問歸田

山中襍興

去城懸九里夾地出雙溪
傍水編茅屋移花近藥畦
長年無客到終日有猿啼
利路何須問閒身儘可棲
因拜山農號生涯日日新
帶泥移瘦竹和蘚拾枯薪
時酌山泉味都無世俗塵
烏鳶雖具忌彙鹿自相親
居山還有趣斲地本無謀
相顧誰青眼同盟盡白頭
豺狼迷道路猿鳥傍林丘
休問巢由樂吾心自可求
拄杖聽鳴鳩青山樹色稠
雨寒雲不起沙亂水交流
對景堪垂涕無爲亦動愁
疲民正無奈誰解爲君籌

散處身如寄，幽棲屋似船。
江鳴風落雨，山暗樹生煙。
架有催詩簡，囊無贖酒錢。
東隣吳季子，蕭灑亦堪憐。
漂泊殊無定，歸來得暫安。
不嫌知己少，似覺傷人難。
梅屋春風細，松窻夜月寒。
交遊成契闊，重檢舊書看。
短策閒尋句，長歌獨倚樓。
野雲迷客思，花雨亂春愁。
論事思王猛，看書憶馬周。
老吾吾道在，一一付滄洲。
信是山中好，春來物物豐。
石蠶空斷砌，玉簫出枯桐。
暖雨蒸花氣，晴煙颺柳風。
眼前無限景，詩句可能窮。
趁暖行山徑，尋幽過野亭。
雨開雲氣白，春動燒痕青。
桃眼新生藟，梅心小結形。
倚闌閒縱目，物物得娉婷。

小艇橫河過殘陽隔岸春水聲清繞屋山氣冷侵窻卸
屐行花逕溝書坐石砭可知耕種好只擬鹿門龐
細註歸田錄重修種樹書自知身是客不歎食無魚石
屋春雲重繩牀夜月虛蕭條空四壁誰問馬相如
眺望春光遠登臨夕照微野煙平戍壘山鳥怪儒衣觸
處無高下何勞論是非寄言彭澤宰出仕不如歸
山園無定式力作是生涯近水多栽竹依岩半種茶春
風低小草夜雨出新沙不必聞時事城中減大家
王枋通謝墅禹穴近龍宮兩水沿平地諸山在下風煙
霞時出沒日月互西東閒看桃源記吾將此意同

石樓含曉色。茅屋淨春暉。野水中閒落。雲山四面圍。長
歌樵擔起。短笛釣船歸。景物隨情至。詩成思欲飛。
貧居得幽僻。世事不相關。詩思多因雨。閒情獨愛山。落
花隨水去。孤鶴望人還。最喜人清健。年來酒量慳。
家貧便食淡。年老覺身癯。細字憑兒看。清尊待客沽。惜
春嫌謝豹。顧兔憶韓盧。悵望青山曲。點頭愧野夫。
卜宅近山阿。柴門障薜蘿。風清聞鶴唳。日暖聽樵歌。密
樹懸青島。平田浸白波。村船乘暮景。來往急如梭。
草徑如蛇縮。茅廬比斗寬。溪聲歸夜響。山氣入春寒。且
自師伊呂。毋勞說謝安。有時閒縱步。長嘯白雲端。

寒雪滿空山出門行路難家人愁累重客子怯衣單寇盜因時起乾坤尚未安吾農清苦甚今日淨朝餐

玉笥山南入深隄人迹罕至真隱地也作詩紀之
幽省無人迹虛空見遠天雪深山氣伏崖斷樹根懸鳥鳥翻身入狐狸放膽眠老夫多脚力更欲上層巔

玉笥山麓有土阜高丈餘登眺可盡湖山之勝友人好事許作亭于上余意其有成先闢址以俟

作詩紀之

基地經年定新亭幾日成望開吳地盡坐接楚天平野色重重見山光面面迎可宜方處士千古紀清名

示師文

爾父既清苦爾身何可言且宜脩道德不必問田園花
落江城晚煙橫野渡昏此時光景異只合住山村

寫懷

去歲情無賴今年興頗優自居茅草屋不想木闌舟膏
土栽黃獨開渠引碧流溪翁來往熟相約看沙鷗

安分

小逕入柴扉茅廬隱翠微土磽黃獨瘦溪暖白魚肥夜
照明膏竹朝餐淨露薇人生安分已何必論雄飛

題青田山房

青田劉處士蕭灑好山房
夜月移花磴春雲動石牀
書聲通遠谷琴響應清商
我欲相依住臨流築草堂

丁酉歲元日九里山中

授時無歷日獻歲喜天晴
道路何艱阻山林似太平
梅香清海國柳色上江城
且得蘭臺近疲民稍慰情

立春 八日

春雨洗殘雪春風輕布衣
綠敷湖外草青動石根
薇淮海烽煙盛關山雁鶩飛
山居頗蕭灑梅樹玉成圍

自詠

清苦誰能共孤高祇自憐
爲因知分定不解問歸田
對

酒傷春思看書減夜眠信無朝賀表畱病過新年

丁酉歲九月九日在慈溪是日小雨杜堯臣知事

攜酒過寓所

重陽今日是客邸忽悽愴樹葉驚風墮絺衣襲雨涼黃
花御古色丹桂發天香珍重東屯杜攜尊過草堂

有感

江湖成獨客風雨過重陽白髮懸明鏡青山隔草堂野
花畱別恨籬菊靜年芳聞說陶元亮淒涼五柳庄
黃花渾未放白雁最先來好景無人識新詩只自裁烽
塵迷玉壘煙草沒雲臺今古英雄事何如水一杯

慷慨看雙劍。淒涼獨老翁。不嫌天地窄。殊覺路途窮。茅
屋荒山雨。麻衣曠野風。人情只如此。何必問英雄。
依違思故里。吟嘯倚闌干。野水隨潮漲。山雲帶雨寒。歸
鴻悲別渚。羈客困長安。何日干戈息。山林樂考槃。

憶張彥威御史

挺挺張公子。桓桓道氣充。辭章驚世俗。膂力懾英雄。且
爾交遊好。能堪仕宦窮。如何風雨際。埋沒亂離中。

送大上人之四明

勝地稱三佛。佳山指四明。雁飛江雨歇。龍蟄海潮平。見
客無多論。看雲或動情。有人問梅叟。爲說似浮萍。

對雨

憂國頻看劍，懷人獨凭闌。
野雲秋共黑，江雨晚生寒。
盜賊紛然起，軍民未得安。
相逢誰慷慨，隨處說艱難。
風雨秋冬接，乾坤晝夜同。
正愁禾黍黑，况奈羽旄紅。
吳越民難處，江淮路不通。
交遊無定在，空想北歸鴻。
百草雨中死，羣鳥天際飛。
風塵時變滅，世事日乖違。
宏景挂冠去，少陵徒步歸。
丁寧劍歌隻，得酒且忘機。
知少慮亦少，閒多病轉多。
干戈愁正切，風雨恨如何。
華屋迷青草，元門暗綠蘿。
淒涼無可奈，感慨動悲歌。
三秋多濕雨，十月見黃花。
對景無情思，令人起嘆嗟。
聰

嫌牀下蠨病惑酒中蛇又聽諸年少懷才擬賦瓜

竹圖

楚地秋風勁湘江夜雨深不看雙鳳舞恰聽老龍吟正
直崇高節歲寒同我心悠悠向京國轉轉憶山陰

懷人

懷人多有夢憂國竟忘眠野草皆成藥江雲半是煙悲
鴻聯陣下老鶴唳孤鶩誰信殘陽外疲民間井田

十二月三日對月

今夜初生月客中仍獨看遙憐吾老幼未解脫飢寒破
壁簞瓢壘疎梅雪作團再思先子誦默默淚闌干

五言長律

自崔鎮至濟州人情風俗可嘆三十韻

天闕星河近，關山道路長。斷雲依野樹，歸鳥傍斜陽。弔
古添惆悵，傷時重慨慷。艱難衣帶緩，辛苦鬢毛蒼。昨日
辭崔鎮，今晨過呂梁。艤船愁犖角，打牽畏汪洋。舟子招
呼急，商人問訊忙。新州山頂上，沛縣水中央。古昔英雄
地，蕭條戰鬥場。歌風傳漢祖，決勝信張良。轉首風雲改，
重瞻日月光。喜看新社禮，不問舊封疆。魚鱉行官道，狐
狸上廟堂。淒淒黃葉浦，漉漉白蘋鄉。提挈何狼籍，奔趨
適詐狂。人倫俱喪失，風俗盡凋傷。白紵流吳曲，紅花爛

竹齋詩集卷之三終
楚芳禮儀從此廢廉恥竟何將
戢戢哀流落痿痿俱暴強
郎官思卓魯牧守想龔黃
鷹隼鋒稜勁豺狼氣勢張
撫綏徒文飾漁獵盡逃亡
東魯書聲寂西秦客夢揚
可憐吾老大那忍見淒涼
飢望家家火愁懸處處腸
競穿泥窟穴爭覓草衣裳
密雪團花大飛冰就木僵
垂情徒鬱鬱極目轉茫茫
聖主春秋盛賢臣事業彰
願言宣德化四海一陶唐

後裔佩蘭校刊

男用九校字

竹齋詩集卷之四

諸暨王冕元章著

七言律詩

金陵懷古

壞墻幽逕草青青何處園林是舊京
海氣或生山背雨江潮不到石頭城
英雄消歇無人語形勢周遭夕照明
回首長干思無限水風楊柳作秋聲

春日王與道招遊金陵登覽之餘偶有所感率賦

一章以誌

賞心亭前春草花賞心亭下柳生芽
收功漫說韓擒虎

亡國豈由張麗華。江山萬古足登覽。豪傑幾人過歎嗟。
野老相逢閒指點。六朝宮闕盡桑麻。

建康層樓

層樓危構出層霄。把酒登臨客恨饒。草色不羞吳地短。
雁聲空落楚天遙。江山如畫思豪傑。風月無私慰寂寥。
六代繁華在何處。敗紅殘綠野蕭蕭。

別金陵

六朝舊迹俱尋遍。千古英雄一笑休。黃葉亂隨秋雨落。
長江空帶楚天流。尊前有客翻新調。白下無人說故侯。
明日西風天色好。吹簫騎鶴上揚州。

過昭瑞宮次韻

紅華翠竹滿江臯。依約仙人駕巨鰲。月下每聽來鶴佩。
雲中時復見龍袍。西江日薄潮聲小。北極天開王氣高。
咫尺山河移版籍。書生徒爾說英豪。

金屋無人玉殿開。青蒲埋沒遍莓苔。舊愁隱隱隨煙浪。
新恨綿綿入草萊。紅葉已隨流水去。黃門空憶看花來。
東南富貴消磨盡。畱得荒林古將臺。

悼達兼善平章

出師未捷身先死。忠義如公更不多。豈直文章驚宇宙。
尚餘威武振山河。中原正想劉安世。南海空思馬伏波。

老我未能操史筆，懷思時復動哀歌。

寄天台丁仲容

去年腳底生繭癰，今年巾中華髮稠。
讀書不敢畧字過，得酒豈徒成醉休。
關山杳杳絕飛鳥，江海淒淒無釣舟。
好風良夜那可已，思君時復一登樓。

發古塘

秋風籬落菊花黃，滿眼江山似故鄉。
投老無家真可笑，長年爲客尚能狂。
青苔蝕盡牀頭劍，白日消磨鏡裡霜。
聞道中州凋敝甚，忘機不解說淒涼。

徐竹隱

連江修竹靜郊居。門外陰陰千畝餘。直節不移高士操。
息交那與俗人書。臥聽翠雨飛甌甌。笑挹清風過綺疏。
却掃紅塵喧境寂。歲寒分席待樵漁。

聽秋軒

人世紅塵高沒馬。老禪方丈足清幽。入門便覺氣候別。
歷耳似知天地秋。不羨書生能作賦。却憐遊子太多愁。
夜深樹影飄零盡。明月無端生屋頭。

送邊伯京之闕

邊郎辟椽南闕去。馬首春光正十分。路夾海棠行錦障。
江涵山翠擁羅文。簡書可董風雲會。韜畧能夷虎豹羣。

若向武夷山下過，爲余傳語杜徵君。

謾興

隱几看山與世違，當門種竹亦忘機。
五更驟雨隨風過，滿眼落花如雪飛。
每爲註書消夜燭，亦常沽酒典春衣。
今朝急報任公子，昨日蒼苔滿釣磯。

中天積翠鬱層陰，雪瀑飛花落遠岑。
白月夜分靈鶴舞，清風時聽萬松吟。
放懷儘可從詩酒，行樂何須論古今。
我欲與君飛兩鳥，題詩刻竹滿山林。

風花片片落瑤臺，江北江南春未回。
老子胸中自蕭灑，故鄉何處却徘徊。
海雲挾雨連天黑，江鶴如人近屋來。

景物相看只如此酒杯且放好懷開

寄東隣唐彥常

桐木散陰隣屋壁子居巷東吾巷西繡衣耀日輕拂袂
白馬躡雲新鑿蹄湖上笑歌多載酒夜來歸去醉如泥
春風又別四十日安得看山同杖藜

謾興三首

白霧黃煙慘百蠻長年不見鶴書還江河萬里歸滄海
山嶺千重走劒關白首詞臣空墮淚青春才子強回顏
舊愁新恨知多少都在閒花草間

關中險固馮三輔隴右勾連接四川簇簇樓臺懸日月

盈盈花草爛雲煙。颺回海上沙飛雪。雨足江南水拍天。
可笑華山陳處士。風流文彩却貪眠。

青山隱隱帶灤河。金碧光中望馭娑。五穀不生羊馬盛。
二儀殊候雪霜多。打圍陣合穹廬轉。警蹕聲傳御駕過。
漠漠黃沙天萬里。壯心未解說風波。

悼止齋王先生

休致歸來與世違。平生所有未全施。胸中經緯天人識。
舌底風雷宰相知。論道端然見周召。得時元不下臯夔。
南金東箭誰誰擬。綠水青山故故違。

文彩風流今已矣。夫何能見紫芝眉。中天氣黯星河慘。

南國春寒草木悲。正事堂堂傳兩省。論談疊疊懾諸夷。
老成如此多關係。青瑣諸公淚亦垂。
三月燕山聽子規。追思令我淚垂垂。雖然事業能經世。
可惜衣冠在此時。霜慘晴窗琴獨冷。月明秋水劍雙悲。
山河萬里人情別。回首春風說向誰。

卽事

灤水城頭六月霜。東華門外草皆黃。旌旗影動千官慘。
斧鉞光沈萬馬忙。青象不將傳國璽。紫駝只引舊氊房。
諸郎不解風塵惡。爭指紅門入建章。

白草黃沙野色分。古今愁恨滿乾坤。飛鴻點點來邊塞。

寒雪紛紛落薊門風景淒涼只如此人情囂薄復何論
知機可有桑乾水未入滄溟早自渾

紀夢

十有一月三十夜清夢忽然歸到家對母徐徐言世事
呼兒故故問生涯庭前修竹不改色溪上老梅都是花
起坐山窻聽茶鼎又思風雨客三巴

會友

昨夜朔風吹地動起看長劔雪花明讀書空墮英雄淚
得酒時澆磊砢情相見底須言客况論交殊不愧前盟
漢家四海承平久何必區區論賈生

過漁浦

十八里河船不行江頭日日問潮生未同待詔沈金馬
却異看花在錦城萬里春風歸思好四更寒雨客燈明
故人湖海襟懷古能話舊時鷗鷺盟

卽景

江北春深野草芳江南春淺柳枝黃鳧鷺得水競出沒
燕雀受風相頡頏適意謾提如意舞醒時不異醉時狂
昨朝孺子攔街笑笑殺人間馬子長

送宇文子貞

郊居暫輟簿書勞尚植忠良翊聖朝風月一壇光灑灑

天人三尺錦飄飄清聲足重江湖望直筆寧辭館閣招
洛下諸郎競才進豈能垂意說漁樵

次韻

老吾獲落忘機久江湖鷗鳥弗猜疑黃花園宅如元亮
白雪滿床無子期身後虛名定何益世間多事不須知
故人有約來招隱莫待秋風老桂枝

野人住處無車馬門外蓬蒿抵樹高石脚雲生三伏雨
屋頭松撼五更濤園入畫真堪笑薪水供厨祇自勞
匣底豪曹苔欲滿夜來忽作老龍號

雨中遣興

黯氣陰陰沒大荒。髑髏無語劍生銜。青山有夢客千里。
明月故人天一方。鹿走平原沙莽莽。龍飛滄海雨浪浪。
相望多少相思意。倚徧危樓重慨慷。

故人何日是歸年。又聽剛風洗瘴煙。驕馬北馳沙似雪。
冥鴻南去水如天。莫愁絃絕蒲葦館。且喜歌生穰稷田。
好在岳陽樓上望。洞庭明月正嬋娟。

雪後

今日登高不見山。乾坤混混太清寒。舊時月色無人識。
新歲梅花正好看。多苦將軍居塞北。更憐羈客在長安。
老夫欲語不忍語。倚遍危樓十二闌。

滿目青山軒

滿目青山似畫圖。道人於此卽安居。不知世上功名好。但覺門前車馬踈。風月四時同笑傲。乾坤千古一蘧廬。我生亦有林泉癖。欲老衡茅愧不如。

次韻

生民日日嘆零丁。惟聽中朝說太平。萬里江山雲莽蒼。五更風雨劍悲鳴。桓溫豈解知王猛。徐庶從來識孔明。簫管莫吹關塞曲。野花閒草不勝情。

竹西軒

青山隱隱帶江流。江上軒窻面面幽。來客不辭三徑雨。

乘涼常得四時秋。青天影動朝陽鳳。落月光移隔水樓。
夜半夢回環珮響。却疑歌吹在揚州。

江月樓

永嘉城郭如斗樣。魁峯蘭若倚雲霄。江空月色上樓白。
風挾海聲連地搖。高僧居此興不淺。閒客登臨思亦饒。
我欲與君飛舞去。更呼仙子共吹簫。

林壑亭

會稽林壑東南勝。結構新亭亦壯哉。樹密不知雲出沒。
山深常聽水喧豗。清幽可許漁樵隱。遊賞豈無王謝來。
我欲題詩追李杜。風流不是出羣才。

送僧歸闕

九月三吳樹葉紅。闕中渾未覺秋風。上人忽動鄉關念。
對客莫辭途路窮。白髮豈無諸老在。青山還與舊時同。
到家檢點經行處。應喜庭松雨露濃。

秋晚卽事

十年湖海挾飛仙。今日憑高思窅然。關北又添三尺雪。
江南別是一般天。紫髯老將懸青夢。白面兒郎減少年。
說與南陽諸葛道。草廬雖好莫貪眠。

有懷

故人零落各山河。觸景其如感慨何。劔槊風生秋氣重。

琴牀月墮夜涼多。傾杯且得孤懷壯。覽鏡那愁兩鬢皤。
擾擾黃塵車馬客。不知畱意在南柯。

客興

鶴鳴猿嘯興如何。客裏裁衣結薜蘿。峽石臥雲山氣重。
江風翻雨樹聲多。狂夫對酒評秦法。野老敲檀和楚歌。
誰似酸齋弄奇崛。好詩和夢寫漁蓑。

懷古

浮雲漠漠水搖天。乳燕翻飛落野田。軒冕盡知爲上客。
衣冠誰解說前賢。閉門種菜殊無策。坐石看松不記年。
世事東風吹馬耳。錦帆金谷已茫然。

下直沽

拍河健櫓比長驅百尺飛帆下直沽
浩浩碧天秋氣蕭
堂堂明月夜窻虛
旌旗兩岸蘆花影
鼙鼓三更海浪趨
轉首狂歌望西北
淡煙荒草是幽都

登竺峯

健步攀緣上竺峯
方知絕頂路岐通
一身如在九霄上
萬景多歸兩目中
老鶴踏翻芝草露
孤猿嘯落桂花風
青箱家世君休問
江左于今事不同

過武塘

杉青間轉雲間路
河水分流過武塘
客路慣禁風雨惡

詩情不減少年狂，魚鹽市井三吳俗。
番島舟航十丈檣，楊柳連隄鵝鴨聚。
家家茅屋似淮鄉。

懷古

會稽巖壑今猶古，王謝經行何所之。
感慨令人有餘思，風流異代不同時。
春來野水生蒲柳，雨過空山長蒺藜。
異代無人知禹穴，遊人來往到今疑。

雲門山圖

十年不到雲門寺，忽見若耶溪。
上山落葉不隨流水去，長松只在白雲間。
當年王謝已寂寞，終古林泉足往還。
所喜二靈多道氣，扶藜時復扣柴關。

寄吳道子

三月不見吳道子十日兩渡錢塘江詩書壓架自足樂
風月滿壇誰敢降萑蒲青青繞石壁薜荔密密緣山窻
歸來不道簿書急謾對阿戎言老龐

看山

昨朝問竹城西去今日看山湖上來濁醪數斗且盡醉
好景百年能幾回野草散光搖翠浪風花移色閃蒼苔
飛流最是東南勝乘興毋辭杖履陪

異鄉

東山西山生白雲異鄉那忍見殘春野蒿得雨長過樹

海燕隔花輕笑人。每是閉門疎世事。何曾借酒惱比隣。
過從時有相嗔怪。不解潛夫意思真。

寄恢長老

眼底紛紛涸轍魚。道人遇地卽安居。瓦盂香軟雕胡飯。
松几晴翻貝葉書。老到世情渾脫畧。年來生計亦蕭疎。
相逢休論當時事。我亦西郊結草廬。

雨中

江南江北水滔天。羈客相逢亦可憐。坐覺青山沉席底。
行驚白浪上窻前。鶉鳩唧草栖危堦。鷗鷺翻飛浴敗船。
轉首百蠻寥落甚。絕無茅屋起炊煙。

送噩長老

張公洞口雲翻海揚子江頭雪打毬君去興懷殊不惡
我行風雨奈何愁疎狂久負劉伶榼飄泊空餘季子裘
直待明年二三月看花騎馬過中州

庚辰元旦

試題春帖紀新年靄靄青雲起研田展卷不知山是畫
舉頭却喜屋如船梅花雪後開無數楊柳風前困欲眠
悵望關河無限恨呼兒沽酒且陶然

立春日

葭吹六管動飛灰便覺春從地底回草木一時生意動

關河萬里凍雲開，寧須生菜傳纖手。且引春風入五杯。
天北天南問音信，故人何處寄寒梅。

九日書懷

玉露霏涼木漸凋，每逢佳節惜年華。青山疊疊多歸夢，
白髮蕭蕭不在家。觸景謾思千古事，無錢空對一籬花。
相知相見情何已，石鼎山泉且煮茶。

秋興

萬里山河一局棋，曠懷興感獨傷悲。石麟夜雨生新恨，
銅雀春風屬舊時。雪捲流沙馱信遠，天沈遼海鶴書遲。
五陵年少俱零落，回首故園空夢思。

擊鼓嘈嘈夜撼山
霓裳歌舞出人間
雲圍環珮沉斜谷
風斂旌旗入劔關
矍鑠野翁掀雉尾
跳躑山鬼覲龍顏
書生豪放成何事
徒步歸來供奉班

水竹居

小橋流水路縈紆
竹裏茅茨是隱居
慷慨不同時俗輩
清高多讀古人書
山入屋情無限
明月穿簾興有餘
我亦山陰舊溪曲
一庭蕭灑正相如

送本中上人

上人飛錫何方去
笑指東南咫尺間
黃葉落時行細路
白雲生處看青山
欲求古道殊難得
悵望高風或可攀

朋舊相逢還道我梅花清苦鬢斑斑

太平興國寺鎖翠軒

當軒種竹一萬箇清蔭滿林生綠苔六月不知天氣熱
長年只覺雨聲來豈特鳳鳥下食實又見龍孫漸脫胎
計我歲寒爲伴侶屋頭更著幾株梅

山中荅客問

人間塵土苦囂煩林下風生六月寒夜半酒醒方脫屣
日高眠起不簪冠坐看遊蟻巡危磴靜聽閒花落古壇
老我自無軒冕意尋常豈是傲時官

過攢陵

泥馬南飛王氣消
大梁昌運委蓬蒿
兩宮旒冕沈沙漠
三國旌旗接羽毛
衛下將軍尚頗牧
關中丞相失蕭曹
東南多有青松樹
爭奈春風種不牢

次韻荅王敬助

束書歸住水南村
且把犁鋤教子孫
壘石旋成蒸藥竈
插籬將就種瓜園
談揮玉麈風生座
醉倒壚頭月滿軒
富貴功名只如此
何須多夢過侯門

聽雪軒

飛來便與雨聲別
坐久甚憂天下寒
清極自然梅有韻
夜闌却喜竹平安
洛陽處士門深閉
剡曲先生琴不彈

想在此時情思好煮茶可笑老陶酸

次韻全忠齋

十年孤影寄天涯冷笑傍人論左車
白雪陽春應有獲清風明月不須賒
交遊漸喜詩成壘定省惟憑夢到家
休道焰先推不出却愁燒殺杏園花

偶成

青山綠水從人愛野鶴孤雲與我同
所適不須論醜好相逢謾爾說英雄
樂遊花木瀟瀟雨梓澤亭臺淡淡風
興廢固無今昔異幾回搔首月明中
二月江亭野色明楊花飛散雪盈盈
雲煙半入海氣白

風雨忽來溪樹鳴。離思厭聽孤燕語。客情無奈亂山青。
明朝又上長安道。却望咸陽舊帝京。

湖上書所見

東南富貴是神仙。日日西湖坐畫船。繡幙擁雲籠翠羽。
紫牙宣響出紅蓮。香風宛展珠簾動。纖手傳呼玉鱠鮮。
最是好情消不得。醉按花片撒金錢。

送頤上人歸日本

上人住近扶桑國。我家亦在蓬萊邱。洪濤逼屋作山立。
白雲繞牀如水流。問訊不知誰是客。多時忘却故園秋。
明朝相別思無限。萬里海天飛白鷗。

送欽上人

石頭城下五更秋。高掛雲帆得順流。
鑊鑿緣江卽東府。瓊花隔岸是揚州。
作家相見本無語。在客別離殊有愁。
後夜相思好。明月老夫乘興獨登樓。

荅費大初

知己相逢貧亦好。去家未久夢來多。
讀書萬卷身何有。美酒數杯顏暫醜。
越土山移新得信。壬午年六月廿七日
會稽有山移三五里
江南秋老漫奔波。故人割俸情何厚。
白粲赤松從我過。

送僧歸中竺

天香閣上風如水。千歲岩前雲似蒼。
明月不期穿樹出。

老夫曾此聽猿來相逢五載無書寄却憶三生有夢回
鄉曲故人憑問訊孤山梅樹幾番開

過京口

瓜洲正對西津渡金山焦山江水中過客放船忘險阻
何人擊楫問英雄白雲渺渺生秋樹黃葉蕭蕭落晚風
鎮甕城頭一登眺天南天北思無窮

次王元之武平寺詩

官居正與僧居近乘興何妨日日來因向林泉得幽致
竟忘塵世有炎埃松雲影影當窗戶花露溥溥下石苔
對景令人重懷古海天秋靜鶴飛回

元真觀

青岡岡上元真觀，卽是人間小洞天。
花石掩光龍吐氣，芝田散彩玉生煙。
莓苔滿路綴行屐，楊柳夾隄維釣船。
仙客相逢更蕭灑，煮茶燒竹夜談元。

過滄江

空江五更潮水生，搖搖一舸隨潮行。
蘆花旋風作雪舞，水氣上天侵月明。
白髮不禁遊子興，青山忽動異鄉情。
天涯淪落何多幸，賴有故人如弟兄。

與王德強

阿伯遷官之五羊，巖尊習隱水南庄。
人生出處故有分，

世道如斯徒自忙。笑我漂流雙鬢雪。羨君奔走滿鞋霜。
功名固是男兒志。何日歸來綠野堂。

松風閣次韻

金鷄峯下松風閣。記得前年五月登。得興不辭行曲折。
乘涼直上最高層。石林過雨水爭出。溪谷轉風雲亂騰。
休問當時有王謝。風流何似竹間僧。

過徐州洪至豐沛作

落月蒼涼野色迷。過洪忽聽五更鷄。河流東海奔騰去。
天近中原漸覺低。敗壘有基栖碧草。古臺無石墮青泥。
漢家住處人能識。只在豐南沛水西。

新店道中

黃桑葉落雁聲號野鼠蹲沙北馬驕萬里山河秋渺渺
一天風雨夜瀟瀟客懷到此何由壯酒興於人自覺饒
早起梳頭對明鏡不愁雙鬢雪飄飄

卽看白雁向南飛又見黃花落短籬河道便風容易上
客程過關信難期新霜颯颯吹楊柳野老離離和竹枝
欲貰一尊難強進且畱清興謾題詩

楚漢兩城

北城有鷄鳴臺高阜者乃鄧公墓也

楚漢英雄今寂寞兩城相倚舊封疆荒臺落日酣紅葉
古墓秋風老白楊豈是有爲增感慨便令無事亦淒涼

徘徊望盡東南地
蘆葦蕭條野水黃

次韻

林宗出去滿巾雨
蘇老歸來兩屐泥
懷古令人持默默
感時於我獨棲棲
春風水竹連公館
落日煙華繞相隄
景物紛紛底須論
首陽高義只夷齊

寄張貞居

句曲山人毛髮古
蒼精龍佩羽衣
輕道高不授中黃
秩天下皆傳外史名
石菌雲融丹氣擁
玉壺春艷紫霞生
樓居又近林和靖
約我尋梅取次行

曲江春望圖

檐牙隱隱出層霄。飛閣連楹湧翠濤。花夾御城紅霧重。
春移仙仗彩雲高。天家日月無私照。聖主山河不動搖。
正是太平文物盛。玉笙金管進蒲萄。

謝林彥廣惠酒

江南三月春始足。桃花杏花參差開。溪雲入屋夜生雨。
山瀑近牀晴隱雷。讀書弔古有何益。行道濟時無此才。
多謝奎章老文伯。時時攜酒草堂來。

濟州阻雪九月廿七日客况

九月中原柳未枯。北風吹雪忽模糊。瑤林玉樹連天去。
綠水青山望欲無。多喜夜光生錦帳。不傳清響到金鋪。

老夫且作梅花夢分付長年酒謾沽

濟州城南寒雪飛濟州城北凍成圍客情自古不稱意
世事于今轉覺非白馬少年頻喚酒黑紗老婦乞無衣
逢郵不寄江南信却上高樓望雁歸

滕州濟州山不多平林大野少人家解貂且問將軍酒
對雪誰言學士茶直北五更聞玉笛江南十月老梅花
相逢休說淒涼事湖海諸郎鬢未華

黃河西下水多生滕州徐州田不畊農民盡逐魚鱉去
商賈只憑舟楫行青山峩峩出魯國白雪滾滾來任城
浪遊欲盡燕雲道尚欠南風幾日程

季札墓

識君因讀春秋傳今日墳前見斷碑大義可令吳俗變
高風不獨魯人知劍光注影生靈草樹影懸空動羽旗
休問姑蘇舊風景白煙青雨黍離離

臨清阻雪

海氣排空雲塞山北來風雪苦多寒柳條韮雪枝枝重
衣帶緣愁故故寬客路何時無跋涉世情隨處有艱難
濮州城外臨清縣今夜畱船得夢安

一片雪飛寒較多卽看漫地却如何競傳暝體須燕玉
誰肯停杯慰楚娥直北大風山欲倒江南無凍水生羅

臨清不是長安道時聽凌風響玉珂

次韻荅崔元初

樓居依約近蓬萊每見天官簇仗來
星繞紫微雙闕近日臨仙掌五雲開
旌旗影動黃金表龍馬風生白玉臺
遙望上林花隱隱乾坤清氣一時回

閒題

樓臺轟轟帶山河金玉重重是帝家
雲合紫駝開虎帳天連青草入龍沙
春風小殿看飛燕夜雨重城散落花
甲乙流蘇仙夢好莫教方士問丹砂

題趙松雪關北小景圖

小草叢叢出淺沙。笙歌無奈畫圖何。長藤挂樹春風少。
老石斂雲秋色多。客子淡然忘歲月。王孫徒爾憶山河。
荒煙落日居庸道。幾見羶車白馬馱。

都城暮春

繡房香幄紫駝車。隊馬連雲擁醉娥。天上柳花隨處衰。
人間春色已無多。風流謾聽黃金縷。慷慨誰知白石歌。
江北江南歎愁絕。落紅如雨打漁蓑。

送僧遊五臺

南國看雲故有愁。燕山那忍送君遊。天風五月能生雪。
野氣四時澤似秋。適興何須窮險絕。忘機不必論公侯。

歸來著我門前過莫把羈情對白鷗

莫處士悼詩

樂閒處士老西河花竹亭臺野趣多不爲功名移志節
每因興感費吟哦義風孝行知誰擬山色湖光奈爾何
轉首棲霞清夢遠令人懷感動悲歌

送王克敏之安豐錄事

丹墀對策三千字金榜題名五色春聖上喜迎新進士
民間應得好官人江花繞屋廳事近煙樹連城野趣真
所願堂堂盡忠孝毋勞袞袞役風塵

揚州成元章居竹軒

老夫住近山陰曲萬竹中間一草堂
開逕不曾防俗客讀書恰是得清涼
好風時時動環珮明月翩翩來鳳凰
正與君家軒子似可能攜酒共徜徉

山水圖

雲氣籠陰隔薜蘿吾家曾住石南坡
秋風繞屋樹聲雜夜雨落山溪水多
每有漁樵共談笑且無車馬得經過
京師沙土眯人目爲爾展圖情奈何

水竹亭

韓家亭子能蕭灑流水濺濺竹四圍
清淨豈惟塵不到深幽真與世相違
涼颺激韻青雲動白月流光翠羽飛

竹齋詩集卷四
安得時時攜美酒與君談笑看雲歸

重午次韻敬常葉公

時在燕山

故園一望海天長京國相看歎老蒼大學故知韓子重
高陽應笑酈生狂四更風雨客懷壯五月幽燕地氣涼
况是天家賜衣節不妨談笑引壺觴

危太樸奉使求史館遺書於河南江南歷四明會
葉君敬常借船過東湖訪古迹甚樂好事者畫
之太樸命之曰借船圖復自敘以記之葉君敬
常作詩太樸和令勒諸石時賢從而題之余亦
爲之贅

樓觀重重錦繡扶東湖風景卽蓬壺海雲入樹青山小
野水滔天白鳥孤學士借來船似屋書生歸去畫成圖
老夫一見何蕭灑涼雨滿隄生綠蒲

金水河春興

神州何處見蘇華儘好當時富貴家慷慨喚來黃字酒
丁寧將出紫簾車春風裊裊穿楊柳小雨冥冥度杏花
沈醉歸來不知夜又傳清響按琵琶

金水河邊柳色新玉山館外少沙塵琵琶未必能愁客
鸚鵡如何錯喚人翠袖錦襜馱白馬落花飛絮闕朱輪
人間天上無多路只隔紅門別是春

劉商觀奕圖石刻本

碁畔樵人斧柯爛正與劉商舊畫同
粉墨消磨雕刻在神仙飄忽有無中
青霞惟見兩童子白髮吾憐四老翁
休把閒心動機事只宜高臥聽松風

金水河

金水河從金口來龍光清澈淨無埃
流歸天上不多路肯許人間用一杯
楊柳春融青霧擁芙蓉秋霽錦帆開
老夫白髮少年志適興時來看一回

南城懷古

日上高樓望大荒
西山東海氣茫茫
契丹蹤跡埋荒草

女直煙花隔短墻。禮樂可知新製度。山河誰問舊封疆。
書生慷慨何多恨。恨殺當年石敬瑭。

青山蓮壁是居庸。古北漁陽一綫通。人物盡隨風土變。
衣冠誰說古今同。淡煙著柳金溝暗。小雨飛花玉殿空。
昨夜角聲吹不起。老烏啼過建章宮。

題王有恒山房

人世紅塵漲碧空。薜窻蘿几自清風。朝來爽氣歸書潤。
夜靜青雲入夢濃。壁上梧桐忘歲月。牀頭老劒識英雄。
丈夫要看好山色。不是關中卽洛中。

送日侍者遊兩府兼簡丁仲容先生

竹齋言集卷四
知君汗漫饒清興東府西州路不多
半斗正臨吳分野
城池還帶舊山河春風揚子江頭去
夜月茅仙宅畔過
若見金陵丁處士問言歸興近如何

隱居偶成

幾日不見青山面今日青山樹色多
風花落木似濯錦
野鳥隔簾如唱歌年老無成真可笑
世情不合奈之何
柴門本自無車馬昏曉時聞響玉珂

次申屠子迪韻

紅塵車馬事紛紛高眼何曾有見聞
竹屋夜深時聽雨
石牀秋冷不生雲歸來每愛陶彭澤
漂泊誰憐鄭廣文

梅花却勝去年開好遊不負青春約得意那愁白髮催
行旅居家無異致開懷且覆掌中杯

去年八日雨瀟瀟今日天晴雪尚消杖履誰來看花柳
江湖何處得漁樵徒叨食飲居安土未有功勞補聖朝
入夜遙遙瞻北斗紫雲團蓋上青霄

玉漏無聲落草廬荒村遙夜石燈孤開門探雪三尺許
舉眼看山一寸無誰憫將軍窮窟穴空多公子夢瓊瑜
老吾不作功名想只欲扁舟泛五湖

出門無侶杖藜輕溪上梅花相笑迎獨鶴遠從天際下
老夫如在畫中行千峯日出流雲氣萬壑松鳴雜水聲

巾袂不知蒼翠重，看山直過越王城。

送五臺長老

我有慈親年老已，便欲送君難遠行。
道邊持草或解意，天外見雲無限情。
九堰潮平船過穩，五臺海近月多明。
故人若見煩相問，頭髮于今白幾莖。

寄題梅

山中昨夜雪三尺，窻前梅花參差開。
臥看枝上月初滿，夢到江南春已回。
可笑阿嬌貯金屋，却憐姑射下瑤臺。
故人知我有清興，攜取雙魚斗酒來。

寄陸高士

門徑年年芳草綠擬將茲意問東君

卽事

五色雲開見太平九天風露一時清
燕雀飛飛自得樂草木欣欣俱向榮
渭川何時起尚父宣室安能召賈生
田間野老罷癯甚忍死願觀風化成

有感

昨夜秋風吹草堂客中氣象太淒涼
饑來一字不可煮虛過半生徒爾狂
親老每慚疎菽水兒痴安忍誑灰囊
孤桐破碎削緜脫坐對夕陽歌慨慷

偶成七首

人言栗里是吾家，問訊東臯事已訛。
殘歲多聞呼盜賊，良宵誰復望星河。
門迎野水垂楊柳，屋枕雲山帶荔蘿。
沽酒陶情作閒夢，豈知冰凍合滹沱。

萬里長山走薊門，嶄然天險路中分。
高風吹雨作飛雪，老樹積煙成凍雲。
武帳駐兵談亞父，氊城無語及昭君。
夜深誰渡桑乾水，嗚咽笳聲不忍聞。

山郭方迎五日春，飛飛風雪欲愁人。
老年作客殊無策，適興吟詩似有神。
溪上梅花誰可與，天涯鷗鳥謾相親。
酒闌細看柴桑論，始覺桃源不避秦。

雲消巫峽蜀波來，天近崆峒北斗迴。
人事故于今日別，

山陰道士久不見無奈秋天風雨何疇昔燒丹曾化鶴
近來書字不因鵝黃花開到東籬下白日何妨拄杖過
更約登高成浩飲得詩還勝去年多

清明後日

旅遊忽過清明節百感中來與願違楊柳亭臺春寂寂
杏花村落雨霏霏青山對面人何在白髮倚門身未歸
薄暮登高重惆悵豈因蕭颯故山薇

三茅觀

層巒開逕隱空青勃窣槃跚眼力生蘿磴癡嵐畱宿雨
石林寒竹動秋聲城隍下瞰紅塵海樓閣高懸白玉京

夜靜何人吹鳳管，碧桃千樹月華明。

悼白雲

濁世儒名多浪得，先生高隱冠當今。
註書已發程朱蘊，講道重明孔孟心。
白日山林增氣象，清風江海振希音。
少微一隕天爲黑，望入東南淚滿襟。

送人北上

早買北關門外船，載書應上九重天。
風雲步武君可羨，世事乖違吾獨憐。
黃閣大官歸厚祿，紅樓美酒不多錢。
逢人可話江南景，春水流花滿石田。

湖上閒步

斷雲零亂雨初晴。古客遊行眼倍明。可喜一湖楊柳色，不禁三月杜鵑聲。青山歷歷添新寺，白堦亭亭枕舊京。回首東南重淒感，豈因興廢獨關情。

秋夜偶成

風雷不改舊山河。華屋年深蔓綠蘿。龍柱霜消金氣冷，鳳臺人去月明多。英雄空聽生銅吼，感慨誰知白石歌。轉首五湖秋水濶，且將閒興寄漁蓑。露華泥泥濕桐絲，漸覺新涼襲敝幃。肯羨輕生歸馬革，獨憐清苦臥牛衣。種桃未必全忘世，采藥終然會息機。欲問夷齊何處所，西風吹殺首陽薇。

生憎塵俗苦相侵，漸漸移家入遠林。但得囊中多白酒，
何須囊裡有黃金。關山夜靜笳聲慘，淮海秋高雁影沉。
底事懷人作痴坐，短檠花冷石房深。

孤雲杳杳雁聲寒，黃葉蕭蕭詩思慳。坐對清尊懷北海，
嘯歌白石向南山。菊荒夜雨家何處，蓴老秋風客未還。
梁甫不吟君莫問，臥龍寂寞草廬閒。

冉冉新霜上鬢毛，相逢何事論英豪。山城雨重鐘聲短，
海國風清劒氣高。且自草衣同牧豎，不須驄馬列官曹。
古來勲業真堪笑，三士殺身爭二桃。

瀟瀟寒雨滿江樓，底事無端生百憂。鍊研磨穿燈火夜，

貂裘敝盡風霜秋五更空自聽鷄舞四海有誰持犢鉤
可憐當時張許葦蒲萄宮裏爛羊頭

九里山中

荒苔叢篠路縈迴繞磻新栽百樹梅花落不隨流水去
鶴歸長帶白雲來買山自得居山趣處世渾無濟世才
昨夜月明天似水嘯歌行上讀書臺

九里先生兩鬢皤今年貧勝去年多弊衣無絮愁風勁
破屋牽蘿奈雨何數畝豆苗當夏死一畦蘆穉入秋瘥
相知相見無他論笑看山前白鳥過

九里溪頭曉雨晴松風瑟瑟水泠泠絕無過客問奇字

竹齋詩集卷四
只有閒雲到野亭每笑盛名傳坎壈豈陳虛語說零丁
老年恰喜精神爽合得仙人相鶴經

山水圖

一望東南竟海涯仙人何處飯胡麻樹陰靄靄欲生雨
山色重重似削瓜元圃紫苔封藥草白雲流水隔桃花
天台司馬君休問絕勝終南處士家

感懷

風花片片減芳春轉首關河氣象新有志誰能回避老
無憂何必去除貧開樓且喜青山近釣水多從白鳥親
聞說長安金紫貴不奔風雨卽紅塵

寄王秋泉

尺書不寄海天遙
兩見春風換柳條
臺閣競瞻官濟濟
山林誰問鬢蕭蕭
月明故國人情別
花落江城客思饒
記得舊時攜手處
酒酣曾過飲虹橋

山水圖

我生愛看真山水
眼底崎嶇每自諳
絕壑臥雲畱宿雨
高林浮翠出晴嵐
青山近屋多於簇
白石攢沙小似蚶
展卷令人倍惆悵
杏花春雨隔江南

過揚州

東南重鎮是揚州
分野星辰近斗牛
人物漸分南北異

江淮不改古今流，瓊花香委神仙佩。
楊柳風閒帝子舟，十里珠簾晴不下。
銀罌翠管滿紅樓。

送薛府判之廣東

醜酒臨江亦壯哉，別離無奈故徘徊。
喜聆烏府文章盛，又見堯天日月開。
萬里郵傳清譽遠，百蠻歌動好官來。
吟邊休說梅花老，不是山中宰相才。

悼王濟川處士

上卿方駕紫雲車，便寄江南處士書。
白髮忽辭明鏡去，青山相對好樓居。
牀頭筇竹生鱗甲，窻下殘編撲蠹魚。
莫向九原嗟寂寞，諸郎才俊馬相如。

秋夜燕山旅舍偶成寄林致和

花漏無聲海月陰
小窗燈火夜沈沈
出師表動英雄志
征伐書移慷慨心
邊塞雪深迷小草
關河秋老見喬林
不須更論江南事
擊劔長歌且謾斟

寄友

窗外疎篁脫故枝
屋頭松樹已添圍
水流荒澗花無影
雲落空山雨自飛
別去幾時多有夢
歸來一笑竟忘機
懷君欲寄江南信
沙漠風高雁影移

偶成

桑田滄海事沈沈
慷慨誰能論古今
朋足卞和因獻玉

竹齋詩集卷四
然臆董卓豈無金雖求知已終難合差立功名錯用心
老子胸中頗明白只憐華髮不勝簪

已丑二月三日大風雨雪

狂風推雲若山倒積雪滿路行人稀大家得意頻喚酒
老子畏寒愁解衣梅花出竹似索笑沙鷗見我能忘機
却思前載燕山北騎馬踏冰看打圍

今年二月氣候別十日大雪寒於冬民人正坐凍餒苦
燕雀如何意味濃風俗可知南北異山河空鎖百千重
草堂欲作梅花夢忽憶南陽有臥龍

三月二十九日夜歐陽省郎遞至佳章觀之技癢

燈下卽和但無童子急走送耳

今時自與古時別酒興何如詩興賒風引白雲歸坐榻
雨蒸花氣入窻紗謾言海上神仙宅不抵江南處士家
有客相過勿多論老夫迂濶是生涯

四月十二日書懷

去年直北走風沙今日江南事事訛轉首不知春已去
閉門只覺樹陰多青天有日徒惆悵空谷無人絕笑歌
極目中原天萬里野煙荒草幾銅駝

春日卽事

二月三日雨不歇桃花杏花吹作泥積壘可憐飛燕苦

傷春無奈杜鵑啼關河氣轉風雲合邊塞烽多草樹迷
老我疎狂思舞劔與來不待五更鷄

別濟大川

吳松江上聽春雨共說鄉關動寂寥滿地落花增感慨
故家喬木已蕭條十年相見渾疑夢一別離情轉覺饒
後夜錢塘望明月鬢華無奈雪飄飄

感懷

客邸可言行路難故園無便寄平安夢回孤館燈火寂
吟到五更風雨寒南國漸知新禮樂中原誰問古衣冠
田文一去豪華盡長鋏歸來何所彈

招隱卷

寄爾太冲招隱篇歸來不用買山錢青雲繞屋樹如蓋
紅霧隔隄花滿川既有向時潛子興不妨今日米家船
老夫湖海亦覺倦也欲枕書林下眠

寄李子粲

白頭自笑潛夫拙却隱風流李謫仙對客每言齊物論
移家只有廣文瓊赤鷄白狗看兒戲綠水青山作畫傳
慷慨不愁春色老笑看花雨落平田

有題

細草流光動繡衢龍旂千乘擁金輿指揮謾說丁都護

獻賦可憐揚大夫花壓翠樓秋雨重雪圍氈屋夜燈孤
行人只說山川好不信沙塵上鬢鬚

送圭玉岡

一真四法全吾道教主雲間喜作家白氣擁林龍繞樹
紫霞紛日鳳啣花談天不釋鏡如意斫地豈由金莫邪
可是阿師門戶別相逢不喫趙州茶

送楊義甫訪雲林子

公子翩翩孰與儔雲林清氣逼高秋牙籤耀日書充屋
彩筆凌煙畫滿樓既是有尊開北海豈云無榻下南州
相逢一笑如知己不必人間萬戶侯

醉賢圖

浩飲浪吟何慷慨。衣冠尚在晉風流。七賢林下固不異。
六逸溪頭良可謀。既是甘爲避世士。不妨且作醉鄉侯。
幕天席地無畱滯。笑殺三閭空白頭。

送僧歸錢塘

故國荒涼草樹迷。春風猶記舊沙隄。山連天目孤雲下。
潮上江頭海日低。送客過溪驚虎嘯。驅龍出洞聽猿啼。
何時與我同清賞。淨取山泉煮木鷄。

梅竹軒爲楊君道賦

湖上軒窗面面幽。山居正是御書樓。一枝晴雪連雲白。

三徑清風似水流，且喜往來無俗客。只茲蕭灑勝封侯，
題詩已有林和靖。乘興豈無王子猷。

舜江樓

舜江樓上一徘徊，四面雲山錦障開。於古豈徒賢二相，
只今自可致三台。月明鼓角空中起，風靜波濤地底回。
別駕清名動鄉國，金鞍五馬望重來。

曲江春望圖

高堂忽見芙蓉苑，恰似兩京全盛時。翠幕高張公子燕，
錦衣齊集內官儀。樓臺影出青天近，絃管聲回白日遲。
花萼相輝銀榜運，水光山色綠差差。

申屠子迪遊蘭亭次韻荅之

茂林修竹蒼煙外，斷碣荒亭古道傍。
俯仰乾坤慨今昔，笑談風月引壺觴。
幽蘭垂佩莖莖紫，佳菊團金朵朵黃。
誰信無錢陶處士，脫巾蕭灑臥潯陽。

送沙學正歸松江

范蠡岩前雲似錦，吳松江上水如天。
送君去去青霄近，老我蕭蕭白髮懸。
楊柳風清千里夢，梅花雪落五更船。
對人休說儒官冷，聖主于今正待賢。

偶書

聖主臨朝問好官，豈無公論在長安。
野人不入麒麟畫

御史都簪獬豸冠直北五更霜氣重江南三月雨聲寒
繡衣驄馬金陵道誰把梅花仔細看

雜興

蕭蕭白髮滿烏巾不會趨時任客喫種菜每令除宿草
煮茶常自拾枯薪屋頭流水濺濺響溪上梅花樹樹春
寄語儒林趙詩伯好收風月作比隣

送汪掾史

莫怪遲遲把酒杯畱君故爾強裴徊市橋楊柳不堪折
江路梅花無數開從此計程趨畫省更期拾級上烏臺
底用懷思重回首五雲多處是蓬萊

挽吳孟思

號雲濤善書

雲濤處士老儒林書法精明古學深百粵三吳稱獨步
八分一字值千金桃花關外看紅雨楊柳堂前坐綠陰
今日窅然望此景斷碑殘碣盡傷心

遊臨江寺

山靈本是愛山農况是登臨重復重海水浮來多怪石
雲霄上接有青松忘情淺淺溪中鳥不雨深深洞底龍
帶甲如今滿天地煙霞合此寄高蹤

乙未春訪仲遠宿寄傲軒觀李作遂賦長句

花竹參差蔭石苔幽居却似小蓬萊山光入座青雲蓮

水色搖天白。雨開得與不妨閒。覓句忘機儘自可銜盃。
主人愛客能蕭灑。許我攜琴日日來。

偶成

四月八日風雨歇。放翁宅前湖水高。典衣沽酒亦足醉。
騎馬看花徒爾勞。海國尚聞歌蔓草。山陵誰與荐櫻桃。
元龍本是無能者。後世謾稱湖海豪。

歸來

頭白歸來驚面生。東家西家知我名。友朋投老漸凋落。
兒女向年俱長成。野梅花開尚古色。山風吹雨墮寒聲。
最喜溪翁會真率。濁酒過墻香滿罌。

寄徐仲幾

儻得城樓枕臥龍。儲無甌石是英雄。吟詩不愧杜工部。
乞米或如顏魯公。蘭省異於霄漢上。草堂却在畫圖中。
故人相見無多論。笑指松花落晚風。

五言絕句

梅花

林下見情真。草衣如野人。開花冰雪裏。豈是不知春。
清苦良自持。忘言養高潔。夜靜月華明。開門滿山雪。
十月霜風寒。山木俱摧折。獨此冰玉姿。照耀清溪月。
故人江海去。相隔萬重雲。歲晚思無已。梅花可寄君。

何處尋春信。江南路渺漫。夜深山月白。踈影隔窻看。
老榦漬清霜。寒梢挂新月。徐徐暗香來。可是春機泄。
踈枝照清淺。一見與何饒。記得春風夜。題詩過斷橋。
仙子步輕盈。泠泠玉佩聲。羅浮煙水遠。詩夢不勝情。
冷豔凝輕露。清香度晚風。如何冰玉質。却學小桃紅。
深院春無限。香風吹綠漪。玉妃清夢醒。花雨落燕脂。
湖上春何在。羅浮夢已空。清芬入書屋。不是杏花風。
庭院春日遲。風回翠鸞舞。誰倚玉闌干。搖動燕脂雨。
不作桃李態。山林別是春。但令心是鐵。何慮惹緇塵。
面目已無情。豈但心如鍊。昨宵踈影橫。空山半窻月。

明潔衆所忌難與羣芳時懷貞歲華晚只有天地知

題曹雲西山水

旭日耀蒼巘翠嵐生嫩寒幽人詩夢醒清響得松湍

六言絕句

梅花

肯同凡卉爭妍自與高人索笑他年鼎鼐調和不改山林節操

蕭灑託身溪谷清高不染紅塵數點幽花的皜包藏萬斛陽春

不同楊柳爭妍冷淡託根泉石歲寒寄語高人可問調

羹消息

七言絕句

白梅

大庾嶺頭春似海不是尋常白玉堂昨夜護龍河上看

一天明月四簷霜

樹頭歷歷見明珠底用題詩問老逋且買金陵秋露白

小船載月過西湖

江南雪消春漸回溪東溪西梅花開幽人作詩興不淺

時復杖藜攜酒來

歲寒風致與誰爭野草安能識此情春到玉堂渾不覺

清香疏影自分明

五雲縹緲隔蓬萊
仙子吹簫月下回
轉眼不知春幾許
霜華如雪滿瑤臺

江南十月春色早
處處梅花當水開
玉笛一聲霜不下
滿天明月鶴飛來

羅浮月白海無塵
玉樹瓊林處處春
半夜禹陵風雨作
屋梁飛動欲生鱗

鐵石心腸滿面霜
歲寒吾計未全荒
相逢休問春何處
定是調羹到玉堂

不向羅浮問醉仙
笑呼孤鶴下吳天
春風吹散梅花雪

香滿西湖載酒船

玉雪玲瓏瘦影重不同桃李媚春風十分清致無人解

猶在舊家池館中

寒枝錯落凍不解隔水清香招得來午夜風停雪聲小

玉簫吹過楚陽臺

月明海底夜無煙恰似西湖雪後天清氣逼人禁不得

玉簫吹上大樓船

西湖湖上水如天狂客長吟夜不眠騎鶴歸來清興好

梅花無影月娟娟

湖上無書問老逋冰霜岩壑迥清孤二更月出天全白

轉首春風是畫圖

六月一日天大熱清風忽地過江來濕雲挾得梅梁起
半夜飛空作怒雷

江北江南寒氣重雪花如席蔽天來五更野叟敲門報
屋外老梅連夜開

獨鶴高飛雪氣濃梅煙清淺月朦朧一聲簫管歸何處
人在瓊樓玉宇中

馬迹山前大樹梅千花萬花如雪開滿載揚州秋露白
玉簫吹過太湖來

冰雪林中著此身不同桃李混芳塵忽然一夜清香發

散作乾坤萬里春

黃河十月冰如地騎馬何人說好官老子門前三丈雪

梅花開盡不知寒

斷雲流水孤山路看得春風幾樹花騎鶴歸來城郭是

月明簫管起誰家

昨夜朔風吹倒人梅花枝上十分春老夫高臥石窗下

贏得清香入夢頻

朔風吹冷過山城中子峯頭雪未晴十載西湖閑客夢

夜來山月最分明

羅浮山下雪三尺白玉堂前春幾分歲晏歸來詩思好

東風吹散一溪雲

疎花粲粲照寒水
瑪瑙坡前春獨回
却憶去年風雪裏
吹簫曾棹酒船來

天寒江國霜如雪
草木無情盡摧折
不知春意到江南
疎影橫斜半窻月

春風處處競繁華
桃李無言亦好花
獨有高人愛高潔
肯衝冰雪到山家

平生固守冰霜操
不與繁花一樣情
歲晏溪頭春意足
是誰看得最分明

疎花蕭灑綠煙寒
老樹鱗皴艾葉攢
昨夜天空明月白

一枝疎影隔窻看

春風一笑玉無垠雲散空窻見月痕半夜鶴歸詩思好

清香吹滿水南軒

月明曾過西湖路愛看橫枝當水斜試問玉堂諸學士

幾時清夢到山家

明月滿天霜氣重梅花風韻更清妍鶴飛不帶簫聲遠

春過西泠第二船

霜花浮影月娟娟春色無痕上畫船轉首西湖風景異

不知誰識老逋仙

吹徹瑤笙鶴未還小橋流水碧潺潺夜深夢醒推窻看

白月無痕雪滿山

鵝州城東古梅樹鱗甲滿身如老龍
冰霜極冷欺不得
春風吹作玉玲瓏

記得西冷清夜歸珠星璧月景離離
近來消息真堪笑
却說梅花不要詩

開遍南枝又北枝春風於我似相知
酒邊謾說羅浮夢
忘却瑤臺月下時

十月中原風景別寒冰如地雪漫天
相逢盡說江南好
處處梅花壓酒船

溪谷冰霜春到遲老夫長夜只吟詩
憑誰說與中朝士

此是江南第一枝

瑪瑙坡前春未來
幾番空掉酒船回
西湖今日清如許

一樹梅花壓水開

蕭灑山林慣雪霜
不同桃李競芬芳
何緣作得春風夢

一夜吹香到玉堂

此心如鐵蘊陽和
不得春風也自花
何事高人愛蕭灑

夜深踏雪到山家

鐵石心腸冰雪顏
逢時亦有好花看
玉堂可有青檀舊

不畏風霜入骨寒

千年萬年老梅樹
三花五花無限春
不比尋常野桃李

只將顏色媚時人

霜氣橫空水滿川梅花枝上月娟娟却思前度孤山下
半夜吹簫上畫船

夜來閒踏前村雪雪裏梅花認得真回首中原天萬里

璫林玉樹一般春

一樹橫斜白玉條春風吹亂雪飄飄孤山老却林和靖
多載笙歌過六橋

瘦鍊一枝橫照水疎花點點耐清寒雪晴月白孤山下
幾度清香拈杖看

今日開門見遠山鍊師壇下列清班看來都是梅花樹

箇箇春風玉珮環

樹陰如屋霧如潮淺水流花落野橋忽憶去年秋八月
玉霄峯頂夜吹簫

仙子歸來夜未央瑞香風動翠羅裳月明無處韜清影
簫管迎春上玉堂

海雲初破月團團獨鶴歸來夜未闌一片笙簫湖水上
玉如無語倚闌干

雲間古寺陸機宅竹木蕭森鶴不來惟有溪頭老梅樹
霜花猶是舊時開

三月東風吹雪消湖南山色翠如澆一聲羌管無人見

無數梅花落野橋

閒花野草鬥青紅
一著冰霜埽地空
惟有老梅標致別
歲寒時節自春風

地老天荒儘可花
不同桃李競繁華
要知鼎鼎調羹味
須問舊時丞相家

春風無聲海日起
梅花滿樹煙濛濛
西湖昨夜笙歌靜
相見逋仙是夢中

和靖門前雪作堆
多年積得滿身苔
疎花箇箇團冰雪
羌笛吹他不下來

墨梅

老仙醉吸墨數斗。吐出梅花箇箇真。相見莫嫌顏色異。
山林別是一般春。

面皮如鏡慣風霜。馬背托根桃李場。回首江南春似海。
一聲玉笛月蒼蒼。

我家洗研池頭樹。朵朵花開淡墨痕。不要人誇好顏色。
只留清氣滿乾坤。

莫厭緇塵染素衣。山間林下自相宜。玉堂多少閒風月。
老子熟眠殊不知。

紅梅

夢回詩思不可遏。赤脚溪頭夜踏冰。忽地風來明月動。

彩鸞飛出碧雲層

顏色雖殊心不異肯隨時俗混繁華
清香吹散乾坤外
不是尋常桃杏花

老梅標致何蕭灑不與尋常草木同
可笑燕山人事別
春風只看杏花紅

翠華影轉宜春苑苑上紅梅一夜開
學士賦詩承賜宴
內官傳道著緋來

和羹風致誰能解一樹花開耐歲寒
五月燕山木黃落
相逢只作畫圖看

白日遲遲照窗戶深院不知春幾許
紫簫聲轉香風回

隔簾飄落燕脂雨

十二闌干一院花春風猶憶舊京華翠雲不隔西湖路
夢入咸平處士家

洞天窅窅無人到白日丹光出樹林
仙子竟忘餐玉法
笑迎春色綠雲陰

彩鳳穿花啄石苔玉窗瓊戶紫煙開
山人不說羅浮夢
却憶元都觀裏栽

桃杏漫山總粗俗舊家池館尚春風
道人不作羅浮夢
坐看珊瑚海日紅

山林養得寸心丹豈是清香不耐寒
今日春風好顏色

任他自作杏花看

玉妃步月影
參差宴罷瑤池酒
正酣半夜不知香露冷
春風吹夢過江南

昭陽殿裏醉春風
香隔瓊簾暎淺紅
翠袖擁雲扶不起
玉簫吹過小樓東

羅浮仙子醉春風
玉骨冰肌暈淺紅
一味清香消不盡
幾回飛夢錦雲中

仙子歸來逸興賒
夢中猶說舊緜華
春風轉首情何日
却向江南認杏花

仙子雲中駕鶴歸
翩翩霞佩曉風吹
玉肌輕染燕脂色

竹齋詩集卷四
五
恰似羅浮夜醉時

西湖水色淨娟娟
正是春風二月天
醉後不知雲入屋
燕脂飛雨墮樓船

玉骨清癯怯素妝
春風一醉九霞觴
綠房午夜嬌雲暖
不夢梨花夢海棠

爛醉西湖處士家
酒痕吹上水邊花
東風蛺蝶迷香夢
一樹珊瑚月影斜

後齋佩蘭校刊

男用成校字

竹齋詩集卷之四終

梅先生傳

先生名華字魁不知何許人或謂出炎帝其先有以滋味干商高宗乃召與語大悅曰若作和羹爾惟鹽梅伯命食采于梅賜以爲氏梅之有姓自此始至紂時梅伯以直言諫妲己事被醢族遂隱迨周有標有始出仕其實行著于詩垂三十餘世當漢成帝時梅福以文學補南昌尉上書言朝廷事不納亦隱去變姓名爲吳市門卒云自是子孫散處不甚顯漢末綠林盜起避地大林大將軍曹操行師失道軍士渴甚願見梅氏梅聚族謀曰老瞞垂涎漢鼎人不韙之吾家世清白慎勿與語竟

匿不出厥後累生葉葉生萼萼生藥藥生華是爲先生先生爲人脩潔灑落秀外瑩中玉立風塵表飄飄然真神仙中人所居竹籬茅舍灑如也東西行者過其處必褻回指顧是梅先生之居勿翦勿除溪山風月其與之俱乎先生雅與高人韻士遊徂徠十八公山陰此君輩皆歲寒友何遜爲揚州法曹掾虛東閣待先生先生遇之甚厚相對移日畱數詩而歸唐丞相宋璟平生鐵心石腸不輕爲人題品獨爲先生賦之其見重如此天寶大歷間杜甫客秦山解后風雪中巡檐索笑遂爲知心每語人僕在遠道無可人與語得梅先生少慰焉甫爲一

代詩宗心所賞好衆口翕然於是先生之名聞天下清
江成都羅浮庾嶺孤山石亭野橋溪路之濱山店水驛
江岸之側遇會心處輒婆娑久之好事者爭攀挽過其
家甚至圖寫其象朝夕瞻玩或以油窻土屋屈致先生
將之射利先生亦爲開心吐露人爲先生嘆非其所先
生曰苟不盤根錯節安能以別利器知先生者敬愛愈
重錢塘林逋眉山蘇軾咸以詩歌美之蓋凡欲以片言
行者必託先生藉口苟非先生之爲容則語言無味百
世之下聞其風而高之王沂公會居要路持魁柄高下
人物許在百花頭上繇是緋綠纍纍至于今不墜先生

性孤高不喜混榮貴以酸苦自守忽一夕聞高樓羌管
聲乃悽然有感吾不能敷桃李輩趨時故際窮年風饑
雪虐零落如此奚憾焉嗚呼梅自大林之後曠數百載
無聞人由唐至宋稍盛流派蕃衍分南北兩支世傳南
暖北寒先生蓋居於南者也先生諸子甚多長云實操
行堅固人謂有父風味異居南京犀浦者爲黃姓其餘
別族具載石湖世譜太史公曰梅先生翩翩濯世之高
士也觀其清標雅韻有古君子之風焉彼華腴綺麗烏
能辱之哉以故天下人士景愛慕仰豈虛也耶

居安

等謹案外高祖山農先生抗志爲儒懷奇負異一畝
之宅清約自處集義養浩聲利一無動于心具載傳序
中吾母性至孝嘗撫諭我兄弟曰我先世竹齋遺稿當
時未能問世必付之梨棗以酬我祖父志歲月于邁因
循恐無及矣幸我堂上垂白之祖昔曾親炙我外曾祖
山樵先生推及是心爲之申命於下吾父乃命居安日與
諸弟居安校錄閱數月始得編纂成帙伏念居安等學植
荒落不獲揚名顯親無從倣昔人成其宅相之榮茲僅
從事分校以聊慰吾母不匱之孝思已滋愧矣敢云有
功于是集哉外家五世孫駱居安敬居安全百拜謹誌

山勢如龍奔海濱
 巖崖峭壁插蒼旻
 松蘿倒挂千尋古
 藤葛纏綿百尺新
 石磴盤旋通絕頂
 雲梯懸掛礙清塵
 危樓直上凌宇宙
 壯觀雄觀豁古今
 憑欄遠眺心逾豁
 倚杖徐行氣自平
 浩氣凌雲凌宇宙
 雄心躍馬躍清塵
 登臨勝地真堪賞
 造化功成豈足論
 願得長隨仙侶去
 不教塵世染衣巾



書竹齋先生詩集後

竹齋先生詩集者諸暨駱君大年之所彙萃者也先生世諸暨人名冕字元章竹齋其別號豪放不羈士也其爲人蓋具學士宋公所撰王冕傳謂馬不要駕不足以見其奇才冕亦類是夫子又聞之先生善寫梅自成一法其法則出入楊無咎平生愛讀周禮探其微嘗著書一卷曰吾不死持此遇明主伊呂事業不難致也值元季視時政不綱負氣懷憤則出言無所顧忌率多譏刺其任事之人致人目之爲狂豈真狂者哉走四方其足迹殆半天下志無所遂迨太祖高皇帝召見於金華與

語頗合餉午具飯一盂蔬一盤先生且談且食盡飽乃
已上喜曰先生能甘粗糲如是可與共大事卽授以諮
議參軍未幾邁疾卒故知者謂使天假之以年其樹功
烈當不在元勳之下是知其詩爲先生餘事耳况其大
篇短章豪雄俊偉汪洋浩瀚酷似其爲人故誠意伯劉
公嘗序其集曰其言有忠君愛民之情去惡拔邪之志
懇懇惻惻見於詞意之表誠得先生之心者也其集甚
富惜厄兵燹不全今年所集僅能收拾於煨燼殘缺
之餘蓋千百而什一也是則先生之手澤尚存亦可謂
之不死矣大年實先生之曾孫壻端愿謹慤有文有藝

子三人居安居敬居恭亦讀書尚禮稱其家兒談者謂其父子所得皆出於尊人溪園先生之教溪園今年幾九十篤厚君子博學能文嘗出粟助有司賑恤貧困奉璽書旌爲義民以彙萃是集不沒先生之善而觀亦駱氏義舉之一端云溪園名象賢字則民故併識之
資善大夫南京吏部尚書致仕蕭山魏驥書

諸陸圖書
ZHUJI LIBRARY

傳

王冕者諸暨人七八歲時父命牧牛隴上竊入學舍聽諸生誦書聽已輒默記暮歸忘其牛或牽牛來責踐田父怒撻之已而復如初母曰兒痴如此曷不聽其所爲冕因去依僧寺以居夜潛出坐佛膝上執策映長明燈讀之琅琅達旦佛像多土偶獐惡可怖冕小兒恬若不見安陽韓性聞而異之錄爲子弟學遂爲通儒性卒門人事冕如事性時冕父已卒卽迎母入越城就養久之母思還故里冕買白牛駕母車自被古冠服隨車後鄉里小兒競遮道訕笑冕亦笑著作郎李孝光欲薦之爲

府吏冕罵曰吾有田可耕有書可讀肯朝夕抱案立庭
下備奴使哉每居小樓上客至僮入報命之登乃登部
使者行郡坐馬上求見拒之去去不百武冕倚樓長嘯
使者聞之慚冕屢應進士舉不中嘆曰此童子羞爲者
吾可溺是哉竟棄去買舟下東吳渡大江入淮楚歷覽
名山川或遇奇才俠客談古豪傑事卽呼酒共飲慷慨
悲吟人斥爲狂奴北遊燕都館祕書卿泰不華家泰不
華薦以館職冕曰公誠愚人哉不滿十年此中狐兔遊
矣何以祿仕爲卽日將南轅會其友武林盧生死灤陽
唯兩幼女一童畱燕俚俚無所依冕知之不遠千里走

灤陽取生遺骨且挈二女還生家冕旣歸越復大言天
下將亂時海內無事或斥冕爲妄冕曰妄人非我誰當
爲妄哉乃攜妻孥隱於九里山種豆三畝粟倍之樹梅
花千桃杏居其半芋一區薤韭各百本引水爲池種魚
千餘頭結茅廬三間自題爲梅花屋嘗倣周禮著書一
卷坐臥自隨祕不使人觀更深人寂輒挑燈朗諷旣而
撫卷曰吾未卽死持此以遇明主伊呂事業不難致也
當風日佳時操觚賦詩千百言不休皆鵬騫海怒讀者
毛髮爲聳人至不爲賓主禮清談竟日不倦食至則食
都不必辭謝善畫梅不減楊補之求者肩背相望以繪

幅短長爲得米之差人譏之冕曰吾藉之以養口體豈
好爲人家作畫師哉未幾汝穎兵起一一如冕所言我
皇帝取婺州將攻越物色得冕寘幕府授以諮義參軍
一夕以病死冕狀貌魁偉美鬚髯磊落有大志不得少
試以死君子惜之

史官曰予受學城南時見孟案言越有狂生當天大
雪赤足上潛嶽峯四顧大呼曰遍天地間皆白玉合
成使人心膽澄澈便欲仙去及入城戴大帽如篔簹
曳地袍翩翩行兩袂軒翥譁笑溢市中予甚疑其人
訪識者問之卽冕也冕真狂士哉馬不音駕不足

以見其奇才冕亦類是夫金華宋濂撰

諸暨圖書館
ZHUJI LIBRARY

竹齋詩集

卷八

<p>...</p>									
------------	------------	------------	------------	------------	------------	------------	------------	------------	------------



 諸暨圖書館

 ZHUJI LIBRARY

傳

王冕字元章諸暨田家子也父命牧牛冕放牛隴上潛入塾聽村童誦書暮亡其牛父怒撻之他日依僧寺夜坐佛膝映長明燈讀書安陽韓性異而致之遂從性學通春秋嘗一試進士舉不第焚所爲文讀古兵法恒著高簷帽衣綠蓑衣躡長齒屐擊木劒或騎牛行市中人或疾其狂同里王良特愛重之爲拜其母良爲江浙檢校冕往謁履敝不完足指踐地良遺之草履一兩諷使就吏祿冕笑不言置其履而去歸迎其母至會稽駕以白牛車冕被古冠服隨車後鄉里小兒皆訕笑冕不顧

也所居倚土壁度釜執爨養母教授弟子以爲常高郵
申屠駟任紹興理官過錢塘問交於王良良曰里有王
元章者其志行不求於俗君欲與語非就見不可駟至
卽遣吏自通冕曰吾不識申屠君謝不見駟乃造其廬
執禮甚恭冕始見之居歲餘投書謝駟東遊吳浮江上
潛嶽遂北至燕秦不華薦以館職冕曰公愚人哉不十
年此中狐兔遊矣何以祿爲翰林學士危素冕不識也
居鍾樓街冕知之一日素騎過冕冕揖之坐不問名姓
忽曰公非住鍾樓街者耶曰然冕更不與語素出或問
客爲誰笑曰此必危太樸也吾嘗誦其文有詭氣今觀

其人舉止亦然冕善詩通篆籀始用花乳石刻印尤長
畫梅以臘脂作沒骨體燕京貴人爭求畫乃以一幅張
壁間題詩其上語含諷刺人欲執之冕覺乃亟歸謂友
曰黃河北流天下且大亂矣攜妻孥隱會稽之九里山
號煮石山農命其居曰竹齋題其舟曰浮萍軒自放鑑
湖之曲太祖旣取婺州遣胡大海攻紹興屯兵九里山
居人奔竄冕不爲動兵執之與俱見大海大海延問策冕
曰越人秉義不可以犯若爲義誰敢不服若爲非義誰
則非敵太祖聞其名授以諮議參軍而冕死矣

朱彝尊曰當元之季多逸民冕其一也自宋文憲傳出

世皆以參軍目之冕亦何嘗一日參軍事哉讀徐顯禕
史集傳冕蓋不降其志以死者也因別為傳上之史館
冀編纂者擇焉

臨

諸
ZHUJI LIBRARY

竹齋記

植物之貴重者莫如竹見於詩易記禮之書異於凡卉尚矣世之人亦知竹之可貴重也甲觀大園培植相尚叢花茂木俯仰暎帶以資遊玩之娛譬如元夫鉅人大冠長劔而與貴介公子接膝綺疏華燭之側將重之耶抑溷之也嗟夫世之知竹者鮮矣暨陽王元章以竹名齋請記於予予家距其所居不百里而未嘗一至其處余何由記之元章出畫卷示余蒼巘斷橋中襍草木屋十數楹蔽著篁竹間指曰是所謂竹齋而求夫子之記者也嗟夫元章真知竹者吾聞古者燕居之室曰齋有

取於被濯自潔之意元章居是齋圖史以爲師起居不
肆冠珮不宴出門四矚清風凜然如接畏友遠遊而不
忘必假圖畫以寓其心目元章其真知竹矣而予何能
記其高致也君家內史脩禊蘭亭脩竹之名播天下竹
以人重也王子猷事業不多見徒以愛竹之故世之言
竹者必徵子猷人以竹重也元章孤高放曠志業日益
進與之遊處者相語曰茲竹齋者王元章讀書之所也
暨之竹將由元章而重矣人患無志耳有志而無成吾
不信也安陽韓性撰

附山樵先生行狀

山樵諱周字師文其先關西人系出猛之後十世祖德元仕宋官至清遠軍節度使靖康播遷畱守建康移鎮浙東未幾仍守建康策勳追贈太師威定公威定之第三子諱琪閩州觀察使第八子某階軍統制教練使居諸暨勅葬長寧小溪山是爲諸暨初遷之祖族屬蕃衍世有聞人曾大父來清白傳家隱居樂善考山農先生性資豪邁馳聲區宇間山樵幼穎悟六歲通論語孝經大義少長過目卽成誦至正甲午侍父移家九里山中相與種蒔梅竹灌園自給迨國朝兵下衢婺山農建長

策期至太平天竟奪其箕聞者惜之父歿家益貧簞瓢
陋巷人不堪處而山樵處之晏如也亦能寫梅得家法
溪橋斷岸老幹疎花吟嘯槃礴顧瞻忘返人目其迂落
筆伸紙神領意會不知生意自毫端出迄今世耽書畫
者購之已不可得至若古今治忽山川奇險扣之若河
決若燭照論辯精剴人不能屈品行端整學宮鄉飲推
讓賓席凡郡守以下景慕風采禮遇優加詩尚平澹直
而婉簡而奧有小集藏於家觀化之日口占一絕云風
清月白今宵好相伴逋仙老鶴閑瞑然而逝其孤照念
塚上未有石介姻友駱氏則民以行實爲請余家居連

閭巷山樵爲執友行感舊懷今論次有自山樵生于至
元乙亥秋七月二十二日卒于永樂丁亥正月十三日
以疾終於正寢壽七十有三配周氏世家蕭邑有賢行
先卒子男卽照孫男長與任建寧府學訓導次驥騏驎
驪孫女永貞適諸暨駱大年葬用明年夏四月廿一日
卜地于某鄉香爐山之原配周氏合祔嗚呼山樵君子
儒也阨窮而守益至持操而志益充衣冠偉望處鄉里
恂恂然足以挽頽風式末俗立言君子揭銘摘光導揚
潛德納諸元堂庶傳永久云大理左少卿致仕諸暨西
隄呂升狀

此書之體裁與前書無異其間亦有
 論及於世道人心者然其筆調則
 較前書為平實而少雄辯之氣
 蓋其時世已變而人心亦隨之
 而遷矣然其於經義之闡發則
 仍不失其精微之旨且其於
 史事之考索亦頗有裨於後人
 之研究也



跋

竹齋詩集向分四卷先生之子山樵先生所手錄曾孫
壻駱大年所編定古歛鮑綠飲藏本也傳鈔既久譌舛
滋多好古之士咸用惆恍因請朱青湖徵君詳加勘校
復質之鮑綠飲戴鑑溪郭春林張企等請君子始成善
本夫先生詩草經駱氏纂輯後相去已數百年猶得流
傳至今重藉訂定是皆其精英結撰卓轍今古有歷久
而不可磨滅者佩蘭自揣微末不克紹先世遺業觀茲
卷帙弓冶斯貽政不獨珠柱玉杯焜耀家史已也爰付
梨棗以廣其傳并綴始末於後時嘉慶三年戊午冬十

竹齋詩集

月既望暨陽後裔 佩蘭 謹識

而不可...
 計至不...
 本夫...
 與...
 於...
 辭...
 外...

竹齋詩集
 卷之...
 佩蘭
 謹識
 ZHUJI LIBRARY


諸陸圖書

ZHUJI LIBRARY

富貴眼前花
閑也得功
名身外物
就
何須勿
就何如

為人能
以此體
念庶
可近


香



竹齋集
待
卷下

圖書
ZHUJI LIBRARY

五卷



富貴眼前花開也得不
 開也得功名身外物就
 何有自然何為
 為人能以此體念庶身近
 香

